

四庫全書

子部

欽定四庫全書

子部

楊子法言卷六

七

詳校官侍讀學士

臣沈德潛

編修

臣

程嘉謨覆勘

總校官知縣

臣繆

璆

校對官典簿

臣

劉景岳

謄錄監生

臣

陳賓

欽定四庫全書

揚子法言卷六

晉李軌

唐柳宗元

註

宋 宋咸 吳祕司馬光 重添註

五百篇

咸曰矜其未至而誘之自非聖人則孰能與於世故五百之義次之寡見

聖人聰明淵懿繼天測靈

咸曰靈萬靈也言天有泰否聖有出沒皆不常然故聖人

之出沒繼天道之否泰所以測齊萬靈者也○祕曰神靈

冠乎羣倫經諸範

範模○咸曰倫

品也範猶制度也言聖人之生冠於羣品經緯以制度而為天下利○祕曰至聖之著存乎執範○光曰聖人

以聰明深美之德繼成上天之功測知神靈曰謬五百

之理首出羣類立之法度以為萬世之常道曰麟鳳不常出聖人不常生或如三辰之並照或如一天

之獨久能存其道則牆與可量哉○光曰明聖人之道或問五百歲而聖人出有諸曰孟軻史遷皆有此言○祕

出天道之常也曰堯舜禹君臣也而並光曰文武周公父子也

而處光曰湯孔子數百歲而生光曰湯上距禹下距文

王孔子上距周公皆數百歲因往以推來雖千一不可知也千歲一人一歲千人

舜禹三聖相並後數百年始生湯文武周公三聖同處

後數百年始生孔子先則比年而三聖後則遠年而一

聖因往以推來雖千年一聖亦未可知也夏后氏有國

四百三十二歲而湯興周有國五百七十二歲而孔子

生
聖人有以擬天地而參諸身乎

稟天地精靈合德齊明是以首擬天腹擬

地四肢合四時五藏合五行動如風雷言成文章也○
咸曰夫天地之道或泰而通或否而塞泰則萬物阜否
則萬化閔弗一而常也夫聖人之道或生而出或亡而
絕出則萬物遂絕則萬化滅亦弗一而常也是故天地
不常泰亦不常否聖人不常出亦不常絕楊子因上論
聖人之生有以合天地之化遂為之言爾註以別為一
義且云首擬天腹擬地以形體解之甚失揚旨矣夫人
之有血氣形體首圓象天足方象地至於肢藏各有所
法雖庸愚者皆然豈獨聖人哉學者宜辨之○祕曰聖
人有以擬法天地而參乎言行也管子曰聖人若天然
無私覆也若地然無私載也禮曰譬如天地之無不持
載無不覆燾皆言聖人之道也○光曰言德與天地參
者則為聖人無

或問聖人有訕乎

咸曰問有所訕身之事○光曰訕與屈同

曰有曰焉詘乎

咸曰焉安也言安所詘

曰仲尼於南子所不欲見

也

秘曰南子衛靈公夫人也孔子本不欲見也

於陽虎所不欲敬也

秘曰陽虎陽貨

為季氏家臣專魯之政孔子本不欲敬也

見所不見敬所不敬不詘如何

秘曰

孔子見其本不欲見者欲使靈公行治道也敬其本不欲敬者如有用我者吾其為東周乎是欲詘身以行道

語曰子見南子又曰時其亡也而往拜之

或曰衛靈公問陳則何以不詘

秘曰

不詘謂不順從靈公而對以俎豆之事○光曰陳直刃切

曰詘身將以信道也如詘

道而信身雖天下不可為也

仲尼之敬陽虎楊子之臣王莽所詘形也於神何時

挽哉諸如此例學者宜識其旨○咸曰信讀如屈仲之伸言見南子陽虎是身也雖詘之可矣於道何損對靈

公是道也將誣之可乎雖得天下不當為矣故孔子曰君子之行已可以誣則誣可以伸則伸楊子之於事莽亦斯之謂乎○光曰信與伸同雖利聖人重其道而輕之以天下猶不可為誣道伸身之事

其祿衆人輕其道而重其祿聖人曰於道行歟衆人曰

於祿殖歟

聖人以行道為務凡人以祿殖為先○光曰殖豐多也

昔者齊魯有大

臣史失其名

以道事君不可則止為大臣也史失其名者不書其名也

曰如何其大

也曰叔孫通欲制君臣之儀徵先生於齊魯所不能致

者二人

高帝時叔孫通為奉常欲制君臣之禮乘亂之餘權時之制不合聖典雖盡其美未盡其善故

不能致之○祕曰叔孫通為漢高起朝儀召魯諸生三十餘人魯有兩生不肯行曰又欲起禮樂禮樂所由起

積德百年而後可興也吾不忍為公所為不合古吾不行公往矣毋汙我通笑曰若真鄙儒也不知時變遷固二史皆曰魯有兩生而楊謂齊魯豈曰若是則仲尼之其接近而言哉○光曰先生謂宿儒

開跡諸侯也非邪

咸曰開謂開布其跡於諸侯之國○祕曰若以二生為是則仲尼欲行教

於諸侯非歟開開說其君臣之義跡跡述其禮儀之制○光曰或難楊子以齊魯二生知道不行而不起為是則仲尼之歷聘為非邪曰仲尼開跡將以自用也欲行其道制素

行己之道合於聖人之法如委已而從人雖有規矩準繩焉得而用

之咸曰規矩準繩猶制度也言委已而從人則雖有制度不得專而用之故二人所以不至也如孔子則不然○祕曰通制漢儀得隨時之義而楊獨許此二生者蓋善其惡叔孫之面諛而難用秦儀且欲自明揚之志

不隨莽改作也。○光曰：二生所守三王之禮而叔孫通阿諛希世，雜用秦儀，若起則當委已而從之，安得自用其道？

或問孔子之時，諸侯有知其聖者歟？曰：知之曰知，之則曷為不用？曰：不能曰知，聖而不能用，也可得聞乎？

曰：用之則宜從之。

祕曰：用其人當從其道。

從之則棄其所習。

光曰：習謂

故常所安

逆其所順。

光曰：順謂情志所欲。

彊其所劣。

光曰：彊其亮切劣謂彼所難能。

捐

其所能。

咸曰：夫子所順者道，彼所順者非道，故當逆之。夫子

所劣者非彼所劣者是故當彊之。夫子所能者德，彼所能者不德，故當捐之。○祕曰：既從聖人之道，則諸侯習其異聞者棄之，順非而澤者逆之，劣於仁義者彊之以攻戰聚斂為能者捐之，是之謂能用之。○光曰：捐與專

切能謂心
所素有

衝衝如也

光曰心相逆鬪之貌

非天下之至德孰能用

之

咸曰衝衝猶多也言諸侯如是者多矣安能用之○
祕曰當時諸侯衝衝然非有天下之至德至道誰能

用之哉○光曰李宋吳本皆無德字音義稱
天復本有之今從之至德謂至明之德也

或問孔子

知其道之不用也則載而惡乎之

欲知載道術何所之
詣○祕曰何所之乎

○光曰
惡音烏

曰之後世君子

許來哲祕曰與諸後世之王者
禮運曰禹湯文武成王周公由

此其選也此六君子者未有不謹於禮者
也○光曰侯後之聖賢必有能用其道者

曰賈如是不

亦鈍乎

言畜貨以遺後畜道侯將來是遲鈍○祕曰譬
如賈之不售○光曰賈音古言行道者貴於及

身乃載以遺後世譬諸為
賈求利者如此不亦鈍乎

曰衆人愈利而後鈍

咸曰邪
道苟合

久而益非○秘曰行聖人愈鈍而後利咸曰正德不偶久而益光○秘

聖人愈鈍而後利

咸曰正德不偶
久而益光○祕

曰初不苟合久而利博○光曰言利愈近則愈小愈遠則愈大關百聖而不慙祕曰關猶言管

關百聖而不慙

祕曰關
猶言管

也荀子曰天下之道管是矣百王之法一是矣楊倞曰管樞要也○光曰孔子之道雖經百聖不可易

蔽

天地而不耻咸曰蔽猶塞也言道塞於天地而無所愧○光曰蔽當作弊終也能言之

咸曰蔽猶塞也言道塞於天地而無所愧○光曰蔽當作弊終也

能言之

類莫能加也秘曰自生民以來未有如夫子也○光曰為衆說郭貴無敵富無倫

秘曰自生民以來未有如
夫子也○光曰為衆說鄒

貴無敵富無倫

光曰堯舜利孰大焉祕曰他貴以位而富以財聖人貴以道而富以教無倫敵矣利及萬

祕曰他貴以位而富以財聖人貴以道而富以教無倫敵矣利及萬

世非大而何○光曰或曰孔子之道不可小歟嫌孔子大其道

或曰孔子之道不可小歟

大嫌孔子

故當其時曰小則敗聖如何秘曰小道害聖如之何可
不能見用小○光曰音義曰天復本

曰小則敗聖如何

秘曰小道害聖如之何可
小○光曰音義曰天復本

無如何字今

曰若是則何為去乎

咸曰言不見用則已何去魯去衛之為乎

○光曰道既不可小則所

如不合何必去父母之邦

曰愛日

祕曰欲及時急於行道

曰愛日

而去何也

咸曰言欲及時施道則止魯可矣何去之○祕曰去魯○光曰留魯而化之則收効彌遠

曰由羣婢之故也不聽正諫而不用噫者吾於觀庸邪

無為飽食安坐而愿觀也

齊人歸女樂季桓子受之三日不聽朝政諫而不用於是

遂行○咸曰孔子相魯齊人懼而欲敗其政選齊國中

女子好者八十人皆衣文衣而舞容璣文馬三十駟以

遺魯君季桓子語魯君為周道游觀終日怠於政事子

路曰夫子可行矣孔子曰魯令且郊如致膳乎大夫則

吾猶可以止桓子卒受之三日不聽政郊又不致膳俎

於大夫遂行而師已送之曰夫子則非罪也孔子曰吾

歌可乎歌曰彼婦之口可以出走彼婦之謁可以死敗
優哉游哉聊以卒歲師已反歌桓子曰孔子亦何言師
已以實告桓子曰夫子罪我以羣婢故也不聽正當作
不聽政字之誤也雉噫猶歌歎之聲梁鴻五噫之類也
庸邪謂女樂也言仲尼所以雉噫然歌之而去者蓋不
能飽食安坐愿觀庸邪之樂欲愛日汲汲於施道也○
光曰宋吳本作不用雉噫者今從李本無雉字正與政
同愿一盭反季桓子受齊女樂不聽政孔子諫不用乃
嘆曰吾為大夫豈可坐觀其政由此觀之夫子之日亦
亂民困邪故去之佗國觀庸闕

愛矣

惜寸陰○光曰知己道必不行於魯故汲汲去之他國

或曰君子愛日乎

曰秘

君子必如夫子愛日乎

曰君子仕則欲行其義居則欲彰其道

曰秘

仕則欲道之行居則欲道之著○光曰居處不仕

事不愿教不倦焉得日

曰不暇給

○咸曰言不廢一畧安得餘日而愛之

或問其有繼周者雖百世可知也

秦已繼周矣不待夏禮而治者其不驗乎

祕曰孔子言殷因於夏禮

周因於殷禮三代損益相因若循環而繼周者宜復用夏禮矣秦不用而治是聖人之言無驗乎

曰聖

人之言天也

咸曰聖人之所言者天命也如五運正統者爾故能相因而損益

天妄乎

祕曰聖人之言天意也聖言不驗豈天或妄乎無妄也言暴亂者非天意也○光曰聖人之言譬如天天運行有常豈妄動乎

繼周者未欲泰平也

咸曰妄忘也天似未欲天下之平而忘乎命聖人以

繼周故秦非正統偶因暴而得之也○祕曰秦不用三代之禮是未欲太平也

如欲泰平也捨

之而用佗道亦無由至矣

暴秦之繼周王莽之篡漢賊獲猶將悼之賢者能無慨歎

乎。咸曰：佗道謂邪道，指秦政也。言天如欲天下之平，則捨秦而立用聖人矣。用聖人則秦之邪道亦無由至矣。今註辭殊不據文釋之，但引王莽比秦，似非正文之意。夫王莽篡也，而秦并天下，其可謂篡邪？秦與王莽暴則同矣，而其所取異焉。○祕曰：如秦之意，亦欲秦乎也。捨禮而用刑法，亦無由至也。赫赫乎日出。

之光羣目之用也。渾渾乎聖人之道，羣心之用也。

祕曰：羣目。

非日光無以辨色，羣心非聖道無以表正。○光曰：渾戶，昆胡本二切。目因日光，然後能有見心，因聖道，然後能大疏通之貌。或問：天地簡易而聖人法之，何五經之支

離？嫌難了。○咸曰：支離猶委曲也。○祕曰：支離猶言分散也。各有科條分散而難通。○光曰：支離猶扶疎繁

多之貌。曰：支離蓋其所以為簡易也。支離分別之，而後朗然，事得簡易。○祕曰：

五經分散各有科條使人沿波討源
然後知聖人之道法天地之簡易也
已簡已易焉支焉

離既簡既易乃是混茫之初焉支焉離言不可了也○
咸曰言天地之道闢闔舒慘是亦先委曲經營而後

至於無為五經之文浩博祕奧亦先委曲分別而後至
於易了如其已自簡已自易則安用支安用離○祕曰
已達聖人之道何支離之有○光曰道之未明故支離
以明之道之既明則坦然簡易安用支離也言經者所
以明道既明則經不繁矣或曰聖人無益於庸也
祕曰庸用也老子

故曰無益於用據漢尚黃老而司馬談班固之徒各
稱老嚴之妙而詆訾聖人是以或人問難多此類也
曰

世人之益者倉廩也取之如單
有時而盡○光曰倉廩雖於人有近益而所藏

多不仲尼神明也小以成小大以成大雖山川邱陵草木

鳥獸裕如也

學其道者大小各隨其本量而取足○祕曰神者所以用乾坤六子而生萬物者也

聖人之道神明之道也得其小大各有所成而無所窮盡裕如也○光曰神明造化也生物無窮裕如有餘貌

如不用也神明亦未如之何矣

神明有所不及聖人有所不訓○祕曰如有固

背之而不用亦猶草木鳥獸斲之齧之使不得遂其生雖神明亦無如之何也○光曰頑石朽木造化所不能

移昏君愚人聖人所不能蓋

或問聖人占天乎曰占天地

言能占之○祕曰孔

安國曰無事不通謂之聖○光曰仰觀象俯觀法

若此則史也何異曰史以天

占人聖人以人占天

聖人以人占天者先乎天也史以天占人者後乎天也大聖先天而

天不違良史後天而奉天時知其所先後則天人之情得矣○祕曰以天占人者觀天以見人事也以人占天

者因人以知天意也。○光曰：史考察象數，知人事之吉凶。聖人修人事，知天道不能違。或問：星有

甘石何如？

秘曰：或人復問史之尤著者，善於占星。晉志曰：諸侯之史，齊有甘德、魏有石申，夫皆掌著

天文各論圖驗其正，咸曰：在德不在星。德隆則晷星星

隆則晷德也。

咸曰：晷影也。猶影蔽之也。隆尚也。言隆尚於德，則影蔽德業。

○秘曰：晷規也。星之妖瑞，不虛發。應有德，無德之隆盛，亦規德而已。○光曰：晷影也。影從形者也。德崇則星從而祥，星崇則德從而壞。或問：大人曰：無事於小為大人。

賢者志大之謂。○秘

曰：小道請問小曰：事非禮義為小。

尚志在乎禮義，大人之事備矣。○光曰：治禮義

則餘無不治。者所以為大。聖人之言遠如天。

天懸象著明，而人不能察。聖人設教，施令而人

不能
賢人之言近如地山川澤田之形可得而鑒○光曰天高遠不可及地雖近亦承

天而
時行
龍璫其聲者其質玉乎玉之璫璫其聲亦猶君子清玲其德音○祕曰諭遠

近之美孟子曰玉振也者終條理也○光曰璫璫宋吳本作璫璫今從李本璫盧紅切璫音靈質美則聲清德

充則
言善
聖人矢口而成言肆筆而成書矢正也肆操也○祕曰矢故也肆恣

也故口恣筆動成典訓爾
雅曰矢弛也郭云弛故
言可聞而不可殫書可觀而

不可盡性與天道○祕曰所以遠如天○光曰聖人縱心所欲皆合於道不可殫盡言深遠也周

之人多行貴尚德義仁人得行其道○咸曰正文但云周之人是統言衆人矣而注為仁人得行其

道況衆人者非能行道若以為仁人則又與正文相反
非揚旨也此蓋言周盛王道禁網疏闊商賈之人皆得

謗議於市故衆人略無諱忌所行皆可爾

秦之人多病

道屈沉也○咸曰以道屈沉為病又非為

衆人安有道可沉哉此言秦法刻密偶語者棄市所忌甚多衆庶之人無措手足動則見病爾

行有之

也病曼之也

○咸曰注殊不解行有之病曼之者秦無道也

云周有德秦無道即未知行有之病曼之果何語邪甚非謂矣夫行有之者謂他人所敢行天下或有之或無之惟周之人所敢行者天下皆有之言多也病曼之者曼長也言他人所病者或作之或愈之惟秦之人所有病者天下長然言無愈時也○祕曰曼無也多行樂於事業而不難也多病困於刑罰而不蘇也周人所以多行者由君存而有之也秦人所以多病者由君視之如無也刑法志曰秦用商鞅連相坐之法造參夷之誅○光曰行下孟切曼莫半切周人多賢行者有聖人之道以教之也秦則無無之故多疵病
周之士也

貴

道秦業隆故尊貴○咸曰言周棄邪用賢為貴 祕

禮樂故

秦之士也

賤道否人卑故窮賤○咸曰言秦棄

可貴

法而責成之所以賤○

周之士也

肆行○咸曰古者天

光曰習於刑名故可賤

子聽政公卿至於列士皆得獻詩以諫言周無所忌故

臣下皆得肆縱直言○祕曰肆猶縱恣也縱行公道○

光曰優游

秦之士也

拘制曲從不肆正道○咸曰此

仁義之間

故臣下無敢議事而拘忌○祕曰拘

月未望則載魄于

西

載始也魄光也載魄于西者光始出於西而漸東 既

滿○光曰魄當作朧明也明始於西以漸變魄

望則終魄于東

光稍虧於西而漸東盡○咸曰按周書

名誥曰惟丙午朧傳云朧明也月三日

明生之名康誥曰惟三月載生魄傳云三月始生魄月十六日明明消而魄生是則朏為明魄為晦矣夫月未望者即始生明之時也正文宜曰月未望則載朏于西夫月既望者即始生魄之時也正文故曰既望則終魄于東今未望亦言魄蓋字之誤也而註文隨誤強解其朔以魄為光恐失其義○光曰明在於東成魄之終

於日乎

朔迎也言為人臣終始盛衰向迎其君如月迎日天理然也○咸曰朔向也夫日行遲一歲而

周天月行速一月而周天故月之行終始皆向日也非有迎日之義其上下弦之時行度近日所以光損而未盛及夫月十五日其行度遠而與日相對望所以光滿而明也猶臣之近君則威損遠君則勢盛揚子上言周秦之士故因論日月之分以明君臣之道當然而秦不然也○光曰朔音素月迎日而有光猶臣賴君而有功

彤弓黼矢不為有矣

以諭有君而無臣○咸曰周之制諸侯得賜弓矢然後專征伐故平

王東遷晉文侯有安定之功遂賜彤弓一彤矢百旅弓
百旅矢千也此言秦之士賤而拘頗失君臣之道則安
所用忠而得賜於彤旅弓矢哉故曰不為有矣注謂以
諭有君無臣不連上文失之也○光曰驢落胡切與旅
同彤弓旅矢人臣之上賞也人臣不得君之任使安能
有功故雖受彤弓旅矢之賜未可自謂已功怙而有之
也晉平公問齊桓之霸君之力乎臣之力乎師曠曰管
仲善斷割隰朋善煎熬賓胥無善齊和羹已熟矣奉而
進之而君不食誰能彊之亦其君之力也樂羊拔中山
返而論功魏文侯示之誇書一篋樂羊再拜稽首曰此
非臣之功

聆德前世清視在下鑑莫近於斯矣

御執古以

今以古則殷鑒不遠○咸曰聆聽也前世謂周秦也下
謂士庶也言後之為君者辨聽周秦之疏闊刻密明視
臣庶之行病拘肆則為鑑之道無近於此矣○光曰李
本聆德作聆聽今從宋吳本前世不可見故云聽臣民

今在下故云視或問何如動而見畏曰畏人何如動而見侮曰

侮人

禍福無門惟人所召○咸曰鄭康成云心服曰畏此言畏猶心服而畏敬之也故畏敬於人則人亦

畏敬之慢侮於人則人亦慢侮之

夫見畏與見侮無不由己

我欲仁斯仁至矣

或問禮難以彊世

言禮事至難難以彊世使行○光曰彊其兩切下同世人皆苦禮之拘難

以彊之

曰難故彊世

祕曰禮者君子之所好而世俗之所難也以其難故彊之使過者俯而就

之不及者跂而及之○光曰以其難故彊使遵之

如夷侯倨肆羈角之哺果而

啗之奚其彊

咸曰夷侯倨肆皆驕倨之謂也羈角猶總角也傳曰貴不期驕而驕自至是夷侯倨

肆不學而能人所易也總角之童哺啗其果亦易之也設于禮道不難如驕啗之易則安用彊教於世哉○光

曰夷侯若原壤者凡剪髮男角女羈謂幼子也人或性之箕倨驕慢及幼子啗果皆其情所欲何必彊也

或彊及其名一也

性者天然生知之彊者習學以至也雖為小異功業既成其名一也○咸

曰性者言人之性自然而好禮也彊者言人之所難用使而為禮也性與彊既皆由禮是其為名於行禮同也蓋因上文彊禮之論故於此誘之爾註以生知習學之義別為一段解之非謂矣○光曰人或性安於禮或自彊以從禮及其成名一也見弓之張兮弛而不失其良兮弛或曰何

謂也曰撒之而已矣

弓良在撒格人良在禮樂○咸曰周禮謂撒為正弓之器也言弓之

一弛一張而不失其良者以有撒正之也人之一動一靜而不失其善者以有禮制之也此亦因上文而為之言○光曰川有防器有範見禮教之至也

川防禁濫器範檢形以喻

禮教人之防範也以舊防為無所用而壞之者必有水
敗以舊禮為無所用而去之者必有亂患也○祕曰川
無防則水為害器無範則人廢業禮教失
則禍亂生王制曰用器不中度不鬻於市
經營然後知

幹楨之克立也

幹楨築牆版之屬也言經營宮室立城

立社稷然後知禮
樂之能有所成也

莊楊蕩而不法

咸曰莊周楊朱之道放蕩而非法
墨

晏儉而廢禮

咸曰墨謂墨家也司馬遷曰墨者儉而難
遵晏謂晏嬰也禮曰晏子祀其先人豚肩

不掩豆澣衣濯冠以
祭是皆不中禮也

申韓險而無化

祕曰申不害韓非
之法傷於險而無

教
化鄒衍迂而不信

迂迴不可承信○咸曰鄒衍之術推
天地未生及海外山川之事迂誕而

不可
信也聖人之材天地也

覆載與天地合其德○祕曰
不可逾也○光曰無不覆載
次

山陵川泉也

○次聖者大賢也高顯如山陵通潤如川泉○光曰得天地之一端佐天地以育物

次鳥獸草木也

區別各有所長○咸曰班固分人為三等演而成九品揚亦以人分較為三等

矣上聖人如天地也中賢人如山陵川泉也下庶人如鳥獸草木也夫人之不學以勉為賢則鳥獸草木之流矣有旨哉揚子之言○祕曰衆人也語曰譬諸草木區以別矣馬融曰言大道與小道殊異譬如草木異類區別言學當以次○光曰依於山陵川泉以自生所得彌小

先知篇

咸曰聖人之哲動則先知故次之五百

立政鼓衆動化天下莫尚於中和

光曰鼓謂鼓舞

中和之發在

哲民情

哲智○祕曰五行傳曰哲知也中和之發則民之情偽無不先知中庸曰喜怒哀樂之未發謂

之中發而皆中節謂之和中也者天下之大本也和也者天下之達道也致中和天地位焉萬物育焉○光曰哲當作哲哲明也言將發
中和之政在光明民情
誤先知
祕曰聖人達于事幾
言之先見故能成天

下之化○光曰
論為政之道

先知其幾於神乎

幾近也神以知來探未兆也逆識先知近於神也○光曰幾音機下同

敢問先知曰不知

答以不知者神悟則先知非問之所及○祕曰知之其神乎

知其

道者其如視

舉目便見

忽眇繇作眇

眇繇遠視也眇細也繇遠也眇謂

炳然光明也此言先知之道臨事則悟如明目之視忽輕眇細繇遠之物皆炳然而見也注從其如視隔為一句復以眇繇為一事釋之頗失其義○
光曰宋吳本炳作炳今從李本音丙闕

先甲一日易後

甲一日難

甲者一旬之始已有之祕也先之一日未兆也後之一日已形也夫求福於未兆之前易

救禍於已形之後難○咸曰甲者教令之始也夫明王之道先令後刑故先甲一日以昭而示之也示之而雖犯猶宥之故曰先一日易也後甲一日以廣而諭之也諭之而尚犯則犯之故曰後一日難也○祕曰周禮縣治象之法于象魏使萬民觀治象挾日而歛之鄭司農云從甲至癸謂之挾日凡十日是以易稱先甲三日先庚三日皆為申命令之義夫干有十日自甲至癸皆挾日之義而易獨取甲庚者以甲木主仁而示其寬令也庚金主義而示其嚴令也今夫先見者察民未犯之前先一日申其令則其為治易也如當已犯之後後一日申其令則其為治難也○光曰並闕

或問何以治國曰立政曰何以立政

曰政之本身也身立則政立矣

子帥以正孰敢不正或問為政有

幾

幾要也欲知為政善惡之要○祕曰請問其目

曰思數

數厭○咸曰言政善則人思慕之政惡則

人厭苦之○祕曰數厭也思數二義而已○光曰數音亦

或問思數曰昔在周公征

于東方四國是王

王匡○咸曰詩云周公東征四國是皇○光曰王當為匡詩傳云皇匡也

召伯述職蔽芾甘棠其思矣夫

祕曰周公旦攝政三監管蔡商及奄之四國叛

周公東征三年而歸四國於是從王命也故東山二章言其思也詩云亦可畏也伊可懷也召公奭聽訟於甘棠之下國人思其人美其樹詩云蔽芾甘棠勿剪勿伐皆其思矣○光曰召實詔切芾非貴切夫音扶下同

齊桓公欲徑陳陳不果內執袁濤塗其數矣夫

伐楚雖美而御

師不整故不敢令徑○祕曰齊桓公既伐楚而欲徑從陳陳不欲內之故執袁濤塗僖公四年左氏無數之之

文揚據公羊而言也公羊傳曰濤塗謂桓公曰君既服南夷矣何不還師濱海而東服東夷且歸桓公曰諾於是還師濱海而東大陷于沛澤之中顧而執濤塗古者周公東征則西國怨西征則東國怨桓公假塗于陳而伐楚則陳不欲其反由己者師不正也不脩其師而執濤塗古之人討則不然也○光曰內音納 嗚呼

從政者審其思數而已矣或問何思何數

光曰何以致之

曰老

人老孤人孤病者養死者葬男子畝婦人桑之謂思

為政

如此人所思也○秘曰使人各得其所則見思矣

若汙人老

汙慢○秘曰汙辱也○光曰汙哀都

切

屈人孤

屈窮○秘曰無所養

病者獨

秘曰無所養

死者逋

秘曰見死者逋逃而

不葬○光曰

田畝荒杼軸空之謂數

民厭苦也○秘曰使人各失其所則

見厭矣

為政日新或人敢問日新

咸曰欲知其旨

曰使之利其仁

樂其義

咸曰使民以仁為利以義為樂則勤於進矣○祕曰博愛為仁則其利彌廣合宜為義則其樂

無窮○光曰仁義者顯榮故利而樂之

厲之以名引之以美

咸曰以名譽而勵勸之以

美善而引導之則喜於行矣

使之陶陶然之謂日新

咸曰如是則民欣欣然無怠非

日新而何○祕曰日日新○光曰陶陶喜為善之貌

或問民所勤

勤苦

曰民有三勤

曰何哉所謂三勤曰政善而吏惡一勤也

光曰不能宣布稱上志

吏善而政惡二勤也

光曰掣肘不得行其志

政吏駢惡三勤也

政君

也駢並也○祕曰駢并也

禽獸食人之食土木衣人之帛

光曰衣穀於既切

人不足於晝絲人不足於夜之謂惡政

人君苑囿禽獸故穀人竭力於

晝也土木衣綈錦故絲人竭力於夜也晝夜竭力而猶不足是故為惡政

聖人文質者也

因人

才質刻而晝之文而藻之○成曰質者言世之質野如鳥獸草木然聖人因為禮樂制度以文飾之故有別也

註謂因人才質刻而晝之無乃不可乎○祕曰因其質而文之○光曰質者為政之大體也質既美矣又須禮

樂以文之周書曰若作梓材既勤樸斲惟其塗丹雘

車服以彰之

車服等差辨彰貴賤○祕曰五

車十二衣以彰之

藻色以明之

藻色輕重顯明尊卑○祕曰文藻五色以明之○光曰藻色謂

文物也彰明上下之體

聲音以揚之

歌於管絃詠其德美○祕曰和鸞玉佩五音六律以揚之

詩書以光之

載其功德光照後世○祕曰頌載其德光顯後世皆所謂文質者也

邇豆不

陳玉帛不分琴瑟不鏗鐘鼓不聒吾則無以見聖人矣

言此諸禮存故得觀聖人。○祕曰聒鐘鼓之聲也。聒與隱聲相近。隱訇皆聲也。此皆謂質野無文而已。○光曰李本吳本聒皆作聒。于粉切。說文云聒有所失也。音義曰天復本作聒。音云耳中聲也。今從之言聖人事業皆在制禮作樂之中也。或曰以往聖人之法治將來譬猶膠柱而調

瑟有諸曰有之。光曰言堂隨時制宜。曰聖君少而庸君多如獨守

仲尼之道是漆也。漆甚於膠。○祕曰漆膠類。曰聖人之法未嘗不關

盛衰焉。咸曰觀其盛衰以為之。○祕曰隨時制宜。昔者堯有天下舉大綱

命舜禹。咸曰大綱猶大道也。禪位於舜禹。孟子所謂天與賢則與賢也。○祕曰大綱皇綱也。堯命舜舜

命禹○光曰大夏殷周屬其子不膠者卓矣卓遠○咸曰夏殷周

網謂天下之政屬其子孟子所謂天與子則與子也

○祕曰卓然可見○光曰屬音燭

唐虞象刑惟明法度

彰矣○祕曰畫象也何休曰孔子曰三皇設言民不違

五帝畫象世順機三王肉刑揆象加漢文令曰蓋聞有

虞之時畫衣冠異章服以為戮而民不犯夏后肉辟三

○光曰揚子以象刑為畫衣冠異章服也夏后肉辟三

千不膠者卓矣

二帝三王期於存公不恤私也○祕曰五刑之屬三千○光曰辟步役切堯

親九族協和萬國湯武桀桀征伐四克由是言之不膠

者卓矣

人君之跡雖異隨時順宜其道一也○祕曰仲尼之道亦二帝三王之道也

禮樂征

伐自天子所出

祕曰道之常也

春秋之時齊晉實予不膠者卓

矣

禮樂征伐當由天子所出而春秋之時天子微弱齊桓晉文專命征討然其所為皆尊王室故春秋公羊

傳文雖不予而實予之存於公正也○祕曰予與與同

春秋之時齊晉得專征伐者蓋前王與之爾僖四年傳

管仲曰昔召康公命我先君太公曰五侯九伯女實征

之以夾輔周室周制諸侯有大功賜弓矢然後專征平

王賜晉文侯彤弓一彤矢百驢弓一驢矢百實與者謂

孔子刪書而序文侯之命無所黜去則齊亦宜然也自

湯武以上稱由是言之或曰人君不可不學律令曰君

明二霸之迹不可繼也

子為國張其綱紀謹其教化

綱之有綱紀猶君之有股肱也綱紀張則綱目正股

肱良則庶事康

導之以仁則下不相賊莅之以廉則下不相盜

臨之以正則下不相詐修之以禮義則下多德讓此君

子所當學也如有犯法則司獄在

執契而已○祕曰各有司存

或苦

亂苦患○祕曰或人以

曰綱紀

綱紀然後綱目正○祕曰提其綱正其紀則有

條而不紊○光曰自天子至於庶人上下相承如身使臂臂使指

曰惡在於綱紀

光曰惡音

烏下

曰大作網小作紀

綱賴綱紀君任輔佐○光曰天子為四方之綱諸侯為一國之

綱卿大夫士各紀其職亂何自生

如網不綱紀不紀

謂失綱紀之任

雖有羅網

惡得一目而正諸

網無綱紀目不正君無股肱國不治○祕曰王者之教化也仁廉禮義為

其綱以糾之則百辟自正

或曰齊得夷吾而霸仲尼曰小器

祕曰管仲之器

哉小請問大器曰大器其猶規矩準繩乎先自治而後治

人之謂大器

夫以規矩準繩而能使上下無猜者大器也

量也管子相桓公不能以之自固三歸反玷然後獲安

○祕曰規矩先自圓方準繩先自平直然後能為器器

出於是大器者也管子不

知禮安能以禮正國哉或曰正國何先曰躬工人績

躬身也工官也言先正身以臨百官次乃覺察其人考

其勲績也○光曰工巧則績善工拙則績惡言當先正

其身然或曰為政先殺後教光曰言當先使民曰嗚呼

後正人

嗚呼駭天先秋而後春乎將先春而後秋乎天道先春

歎之聲

歲為政先今吾見玄駒之步玄駒此雉之晨雊也雊化

後誅以成治

其可以已矣哉感陽應節自然之化化之所感有自來

矣○祕曰聖人之教化亦非強為之蓋

順春秋自然之道先教不從而後刑焉聖王奉若天道
牧之而已譬如螳之能行雉之晨雖蟲之微者非教化
之所及所以然者天道自然先化之耳斯為政所以先
教也步行也崔豹古今註云螳曰玄駒○光曰宋吳本
已作成今從李本螳出蟄而行雉之朝雖皆春侯也天
以陽氣薰蒸萬物而成春聖人以道德陶染百姓而成
教化故見春物而知民可使覲德是以堯舜之不可使覲
教化安可以已哉
刑是以桀紂之民比屋可誅○祕曰王者可以德示民
刑而不可以刑示民亦先德後刑之義也在易坎險為
刑而象曰王公設險以守其國隱刑言險是不可顯示
於人此聖人深旨也爾雅曰坎律銓也郭云易坎卦主
法法律皆所覲德則純覲刑則亂故純觀刑則民生偽
以銓量輕重
故象龍之致雨也難矣哉
象似也言畫繒刻木以為
龍而求致雨則不可得也
曰

龍乎龍乎

難非真龍真龍而後能致雲雨明君而後道化行也○祕曰言龍非其然乎真龍然後雲

行雨施若大旱非有傳說賢明之實者豈能為霖雨哉○光曰言非龍也為政者當務實不可以文飾致治

或問政核

咸曰核實也問為政之實○光曰核下革切謂精確得其實

曰真偽

用真人遠

佞真偽則政核

善善明則真人顯惡惡著則佞偽息真偽審則政事核也○祕曰真真而偽偽

則政得其實○光曰真偽真偽當作真真偽偽古書多然

如真不真偽不偽則政事

不核

北面之禍南面之賊也○祕曰真偽而偽真則政事不實

鼓舞萬物者其雷風

乎鼓舞萬民者其號令乎

天以雷風鼓舞萬物君以號令制御萬民

雷不一

三令風不再

制無二也○祕曰雷發則羣蟄皆起雷收則羣蟄垓戶不主於一者也春風至則萬

物皆生秋風至則萬物皆落不俟乎再者也猶王者號令一出天下大同大同則何一之有一出則何再之有

○光曰一再言其少游雷隨風
乃能動物三令五申乃能齊衆
聖人樂天咸曰聖人知天命遇與否

陶成天下之化使人有士君子之器者也

咸曰言明道立

教使天下皆成其器猶陶甄者隨小大而制之○祕曰
陶者無模範則泥不成器聖人無禮制則人不成君子
○光曰宋吳本樂下
有天子今從李本
故不遁于世不離于羣
咸曰故仲尼惶惶于

○光曰宋吳本樂下有天字今從李本

故不遁于世不離于羣

咸曰故仲尼惶惶于

宋鄭之郊孟子區區於齊梁之間者蓋此
也○祕曰所謂樂天○光曰離力智切

遁離者是聖

人乎

祕曰儔隱行怪非聖人歟○光
曰長沮桀溺之徒君子所不與

雌之不才其卵殫

矣

曰懈敗
音○
段光

君之不才其民野矣

民之陶冶猶泥之在
鈞○祕曰煨謂壞而

不化野謂朴而無禮

或曰載使子草律

載設也草創也○祕曰載則也

曰吾不如

弘恭

咸曰弘恭與石顯皆少坐法腐刑為中尚書漢宣元朝專律令時詭辨以中傷人○光曰恭習律令

草奏曰吾不如陳湯

咸曰陳湯字子山漢成帝朝王鳳奏以為從事中郎幕府事一皆決

於湯湯明法令常受人金錢作章奏卒以此敗○光曰湯善草奏

曰何為曰必也律不

犯奏不剗

論語云聽訟吾猶人也必也使無訟乎此亦言當以純德化之使不犯律不剗奏也○光

曰剗以再切

甄陶天下者其在和乎

咸曰和謂剛柔得所

剛則甄柔則

坯

甄燥也坯慢也言失和也夫陶者失剛柔之和則不成器為政失寬猛之中則不成治○咸曰甄破瓦又

破甃也坯恠恐也言陶法太剛則破裂太柔則恐弱而不能成○光曰宋吳本坯作恠今從李本甄居延切甄

五計切坯鋪回切坯土踈慢不黏也言甄者和土剛柔之齊太剛則破裂太柔則踈慢治天下亦猶是也龍

之潛亢不獲其中矣

初九潛龍勿用上九亢龍有悔○祕曰天地以中為用

是以

過中則惕

九三居下卦之上過其中則夕惕也

不及中則躍

九四居上卦之下不及中

故躍

其近於中乎

二五得中故有利見之吉○光曰以其惕躍故近中愈於潛亢

聖人

之道譬猶日之中矣

光被四表○祕曰聖人之道中道也故於乾於日無不在中

不

及則未

不及則未盛明

過則具

日具明盡言昏昧也

什一天下之正也

什一

稅民天下之中賦正法也

多則桀寡則貉

公羊傳曰多乎什一大桀小桀寡乎什一大貉小貉

○光曰貉

井田之田田也

謂古八家是治宜也

肉刑之刑刑也

千三

莫白反

之屬是田也者與衆田之咸曰示均而無并兼刑也者與衆棄之

而無枉濫咸曰示公法無限則庶人田侯田處侯宅食侯食服侯

服法制無限則興奢侈長僭亂人亦多不足矣僭亂既興民多

竭○光曰衆田無人田皆音旬為國不迪其法迪而望其效功譬諸算乎夫算者不運籌策不

能定其數治國者不蹈法度不能致康哉○光曰算西管切欲治而不用先王之治譬如無財而運算終無益

於富也

揚子法言卷六

欽定四庫全書

揚子法言卷七

晉李軌 唐柳宗元 註

宋 宋咸吳祕司馬光 重添註

重黎篇

咸曰夫幾神之道一貫乎君臣則至化具矣故次之先知

仲尼以來國君將相卿士名臣參差不齊

言志業不同也又云患世

論之不實褒貶之失中也○祕曰

一繫諸聖

一以聖人之道繫平

之○咸曰或邪或正皆不齊等故究論其要一以聖人之道繫量之○光曰經仲尼所論者揚子不敢復措辭

譔重黎

咸曰君聖臣賢邦乃其昌下陵上替天命不常得其道者不俟終日以保萬世也○光曰論古

今君臣行事得失

或問南正重司天北正黎司地今何僚也

司主也僚官也少皞氏衰

九黎亂德帝顓頊命重黎主天地也○祕曰昔之重黎當今之世何官也歷書曰顓頊受之乃命南正重司天

以屬神火正黎司地以屬民北正黎曰近羲近和羲和即火正黎也○光曰重直龍切下同

之官王莽時亦復立焉聖王之立重黎羲和者其所以重黎羲和耳非莽所立也○咸曰莽更名大司農曰羲

和羲與古殊矣揚故孰重孰黎曰羲近重和近黎羲主舉其本而譏其殊

主陰故云耳○光曰王莽置羲和及羲仲和仲官其所掌未聞或問黃帝終始
世有黃帝之書

論終始之運當孝文之時三千五百歲天地一周也○
咸曰註殊不明揚之旨大非矣學者宜自思之○祕曰

或言黃帝三百歲或言升龍登仙帝曰託也帝也昔者

王世紀史記皆有是言故問其終始曰託也帝也昔者

如氏治水土而巫步多禹如氏禹也治水土步山川病

鬼神猛獸蜂蠆蛇虺莫之足故行跛也禹是聖人是以

蜚耳而俗巫多效禹步扁鵲盧人也而醫多盧太山人

○咸曰扁鵲夫欲讎偽者必假真讎類○祕曰讎匹也

姓秦名越人信之○光曰讎禹乎盧乎終始乎言皆非也於是撫書

與售同詩畫切談也王莽置羲和之官故此章寄微言以或問渾天曰

渾胡曰洛下閎營之鮮于妄人度之徒各切耿中丞象

之幾乎幾乎莫之能違也

幾近也。洛下閭為武帝經營之鮮于妄人又為武帝算度

之耿中丞名壽昌為宣帝考象之言乎近其理矣。談天者無能違也。咸曰漢洛下閭鮮于妄人耿壽昌算造

圖儀以考歷度。蔡邕云名天體者有三家。一曰周髀二曰宣夜三曰渾天。宣夜之學絕無師法。周髀術數具存

考驗天狀多所違失。政令官不用惟渾天者近得其情。今史官所用候臺銅儀則其法也。揚子作太玄亦取象

於渾天。言渾淪而行故比明渾天之法。莫之能違也。○光曰宋吳本作幾幾乎今從李本。光謂象之謂作渾天

儀。請問蓋天。欲知蓋天圖也。咸曰蓋天即周髀也。其本庖羲氏立周天歷度其所傳則周公受

之於商而周人志之故曰周髀。言天似蓋笠地法覆槃。天地各中高外下。北極之下為天地之中。曰蓋

哉。蓋哉應難未幾也。再言蓋哉者應難以事未有或問。近其理也。○光曰難乃旦反。或問

趙世多神何也

如簡子之事非一故問之○祕曰世多神異也成公十年傳曰晉侯夢大厲被

髮及地搏膺而踊曰殺余孫不義杜云趙氏之先祖也八年晉侯殺趙同趙括故怒史記趙簡子五日不知人

寤曰我之帝所與百神遊于鈞天廣樂九奏萬舞不類三代之樂其聲動人心曰神怪茫茫若

存若亡聖人曼云

子不語怪之謂○祕曰神怪無實聖人無云小爾雅曰曼未沒無也○光

曰曼無也或問子胥種蠡孰賢

咸曰伍子胥吳臣文種范蠡越臣問此三人誰

賢○光曰種章勇切下同

曰胥也俾吳作亂

光曰謂進專諸於闔閭使弑僚破楚入

郢

郢楚都也○祕曰子胥父奢為楚平王太子建太傅少傅費無忌讒太子建平王殺奢并殺兄尚子胥亡

後奔吳知吳公子光有內志欲殺王而自立未可說以外事乃進專諸既而公子光乃令專諸襲刺吳王僚而

自立是為吳王闔廬闔廬既立得志乃召伍員以為行人而與謀國事六年楚昭王使公子囊瓦將兵伐吳吳使伍員迎擊大破楚軍於豫章取楚之居巢九年吳王闔廬聽子胥孫武之言以悉興師與唐蔡伐楚已邠楚昭王出奔庚鞭尸藉館○君舍君之室大夫舍大夫之室辰吳王入郢鞭尸藉館○祕曰吳兵入郢子胥求昭王既不得乃掘楚平王墓出其尸鞭之五百然後已藉館舍室也各舍楚君大夫之室○光曰藉茲夜切皆不由德報父兄之耻於斯則無禮○祕曰自俾吳作亂至藉館皆志在自報其讎非由德者也謀越諫齊不式式用不能去三諫不從卒眼之夫差伐越越棲會稽請委國為臣子胥諫曰吳不取越越必取吳又曰有吳無越有越無吳不改是矣吳將伐齊又諫曰兵疲於外越必襲吳不聽遂伐齊反役夫差殺之將死曰吳其亡矣以吾眼置吳東門以觀越之滅吳種蠡不彊

諫而山棲

光曰責其不彊諫於未敗至使勾踐棲於會稽

俾其君詘社稷之靈

而童僕

秘曰越三年勾踐聞吳王夫差日夜勤兵將報越欲先吳未至往伐之范蠡諫以為未可而勾

踐不聽

遂興師吳王聞之發精兵擊越敗之夫椒越王

乃以餘兵五千入保棲會稽之山吳王追而圍之勾踐

乃令大夫種行成於吳膝行頓首請與妻為臣妾吳王

聽太宰嚭之言遂許之卒赦越罷兵而歸言蠡初諫不

從二臣盍強

又終弊吳

秘曰勾踐後用范蠡計果大敗

諫而免此敗

又終弊吳

吳遂復棲吳王於姑蘇之山吳

王使公孫雄肉袒膝行請成於越勾踐欲

許之范蠡諫以為不可吳王夫差遂自殺

賢皆不足

也師美○秘曰三子之從師無名

至蠡策種而遁肥矣

焉若以賢者議之俱不足高也

哉

美蠡功成身退於此一舉最為善○秘曰范蠡既去

越乘舟浮海以行終不反自齊遺大夫種書種見書

稱病不朝人或讒之越王乃賜種劍種遂自殺言蠱道種書知越王可與共患難不可與共樂而遜於賢則不

足可以合肥遜之義耳在易遜之上九曰肥或問陳勝遜无不利○光曰策謂警之使去賢此一節

吳廣曰亂

此暴亂之人也○光曰言非有高材遠慮但首亂之人耳

曰不若是則秦

不亡曰亡秦乎恐秦未亡而先亡矣

夫有干越之劍者匣而藏之不敢用

是寶之至也况乃輕用其身而要乎非命之運不足為福先適足以為禍始○祕曰言為權首者先亡也范曄曰夫為權首鮮或不及陳項且猶未興况庸庸者乎或問六國並其已久矣一病

一瘳迄始皇三載而咸

皆屬秦也○祕曰韓魏燕趙齊楚之六國並立其久矣一咸一

衰至秦始皇三載而咸按始皇即位以歲在乙卯為元年至二十六年始并天下乃稱皇帝今言始皇三載而

咸者蓋言稱皇帝後三年東行郡縣上鄒嶧山刻石頌
秦功德封泰山禪梁父而天下咸一也。○光曰按始皇

十七年始滅韓至二十六年時激地保人事乎祕曰時
可取以

激之乎保地勢以全之乎修人事以得之乎
○光曰激當作微古充切微其可取之時 曰具具
咸曰
具備

也言三請問事咸曰問三事之目 曰孝公以下彊兵力

農以蠶食六國事也祕曰戰國之時不修農政秦自孝
公用商鞅變法修刑務耕稼勸戰

死之賞罰於是遂強而蠶食六國修人事之効也 保祕曰問
地保 曰東溝大河南阻

高山西采雍梁北鹵涇垠便則申否則蟠保也采食稅
也涇涇

水也。○咸曰賈誼云秦孝公據穀函之固擁雍州之地
君臣固守以闕周室有席卷天下并吞八荒之心故憑

此險固事便則可申之以取天下未便則蟠屈以堅守是亦有地保之道也○祕曰東以大河為溝塹南以商山為險阻西以雍梁二州為供事北以涇水之隈為鹵地勢便則申勢否則屈此地保也宋事也書曰百里采孔云供王事而已○光曰宋吳本高山作商山今從李本梁州蜀地也鹵掠也涇隈謂義渠掠其畜食以自資

激

祕曰問時激

曰始皇方斧將相方刀六國方木將相方肉

激也

易方比也咸曰賈誼云始皇執蔽朴以鞭笞天下言

之勢方如木肉而始皇與將相之威方如斧刀故以斧刀而伐木肉亦易之矣此亦時激之道也○光曰始皇欲斷喪諸侯方如斧而諸侯將相懦弱方如肉故始皇所以於功利方如刀而諸侯將相懦弱方如肉故始皇所以能兼天下者適丁是時也或問秦伯列為侯衛○咸曰秦伯謂秦襄

公也周平王東遷秦
襄公始列為諸侯
卒吞天下而赧曾無以制乎咸曰

赧王也言秦自襄公始為諸侯由孝公以來益強至始皇六世卒吞二周而并天下蓋非一朝一夕之故何赧

王曾無畫以制之乎○光曰赧
奴板切侯衛畧舉九服遠近
曰天子制公侯伯子男

也庸節庸以也節度也○咸曰庸用也言天子
用禮節以制馭五等諸侯各有其序
節莫差

於僭咸曰言五等之禮各有序不
可僭禮之差失者莫大於僭
僭莫僭於祭咸曰僭

莫大於可僭禮之差失者莫大於僭
祭莫重於地地莫重於天既盜土地又盜祭天

地則襄文宣靈其兆也始于一朝一夕○祕曰僭兆已見
始于一朝一夕○祕曰僭兆已見

昔者襄公始僭西時以祭白帝光曰時
音止
文宣靈宗興廟

密上下用事四帝

光曰廊芳無切

而天王不匡反致文武胙

尊宗

也文公起廊時宣公起密時靈公起上下時。咸曰秦襄公居西垂自以為主少昊之神作西時祠白帝文公東獵汧渭之間卜居之而吉夢黃蛇自天下屬地其口上於廊衍史敦曰此上帝之祥君其祠之遂作廊時也至宣公作密時於渭南祭青帝也其後靈公作吳陽上時祭黃帝作下時祭炎帝也此言秦自襄公以來因周之衰已借天子之禮用事於白帝青帝黃帝炎帝四帝矣而周之微弱不能正之反致文王武王膺胙於秦也故太史公曰秦離戎狄之俗位在藩臣而據於郊祀君子懼焉如是則制公侯伯子男之禮何節之有哉。○光曰宋吳本天王作是以四疆之內各以其力來侵攘肌天下今從李本

及骨

咸曰肌喻遠骨喻近言當是之時周已衰極諸侯強大四境之內各以兵力來侵遠削而至於近矣

赧獨何以制秦乎

人之迷也其日固已久矣數世之壞非一人之所支也○咸曰周自平王

下衰加之嬴秦累世強暴至始皇卒滅之所謂大樹將顛非一繩所維豈赧王可制乎○祕曰周平王東遷秦

皆為天子之禮至顯王四十四年秦惠王稱王其後諸侯皆為王四十八年顯王崩子慎靖王立六年崩子赧王

立至秦昭襄王五十一年使將軍嫪毐攻西周赧王頓首自歸盡其邑三十六城三萬秦王受獻而歸其君於

周明年九鼎入秦周遂亡豈赧之出獨能制之乎○先曰攘取也或問嬴政二十六載

天下擅秦

嬴秦姓政始王名○咸曰始皇莊襄王子也莊襄王卒政立為秦王當是之時秦地已并

巴蜀漢中越宛有郢北收上郡以東河東太原上黨郡東至滎陽滅二周置三川郡矣至二十六年使將軍王

賁從燕南攻齊得齊王建始并秦十五載而楚楚項羽天下故云二十六載擅秦也

始皇自并天下後十二年卒胡亥立三年為趙高閹樂所殺子嬰立四十六日而項羽號西楚霸王故云十五載而楚五載而漢咸曰項羽為西楚霸王主命分天下後五年而定歸於漢故云五載而漢

五十載之際而天下三擅天邪人邪

咸曰言自始皇并天下至漢高祖元

年纔四十六年而天下三專於人其天命邪人事邪擅專也

曰具

備有之也○秘曰天數人事相符默

定

周建子弟列名城班五爵流之十二當時雖欲漢得

乎

咸曰言周以公侯伯子男五等爵封建子弟者十有二國故夾輔王室而無患雖欲擅漢不可得也○秘

曰周封兄弟之國十五人姬姓之國四十人班五等諸侯之爵豈乎周末諸侯流為十二國當是之時高皇無尺土之階雖欲擅漢其可得乎六國蚩蚩為羸弱姬卒之屏營羸擅其

政故天下擅秦

卒終也之至也。咸曰蚩蚩無知也言六國無知皆危弱於周徒為秦終專其

政以并天下也。○祕曰解嘲曰離為十二合為六七秦稱富強故六國之衆皆為秦而弱周終然危懼故秦專其政以擅有天下屏營猶經營也李周翰曰屏營迴惶也。○光曰音義曰屏音并謂屏營猶旁皇失據之貌言六國相與陵弱周室適足為秦開兼并之資終自失據為秦所滅使秦得專據天下秦失其猷罷侯置守守失其微天下孤睽
睽猶乖離。咸曰猷道也言秦之失道罷諸侯之制分為三十六郡以置守尉而守尉無防微之援天下遂至孤獨睽乖也。○祕曰秦患周之敗以為起於諸侯力爭以弱見奪於是削去五等罷諸侯之制分為三十六郡而置郡守守失其道專任刑法無維城之固則天下孤睽矣書曰道心惟微班固曰秦據勢勝之地騁狙詐之兵蠶食山東一切取勝因矜其所習自任其私智姍

笑三代蕩滅古法竊自號為皇帝而子弟為匹夫內七
骨肉本根之輔外亡尺土藩翼之衛○光曰守手又切
秦雖置守又使御史監郡務弱其權守權既微孤立於
上不能制民民苦其賦役故相率離殺守而為盜由守
素微弱故也項氏暴彊改宰侯王故天下擅楚咸曰言秦既

兵最盛故專命改制諸擅楚之月有漢勅業山南發跡
侯王也○光曰宰割也

三秦追項山東故天下擅漢天也山南漢中也三秦雍

既自立為西楚霸王梁楚地九郡都彭城既立沛公
為漢王王巴蜀漢中四十一縣都南鄭三分關中立秦
三將章邯為雍王都廢立司馬欣為塞王都櫟陽董醫
為翟王都高奴於是各就國漢王至南鄭士卒皆思東
歸故韓信因陳楚可圖三秦易并之計遂東嚮定三秦
追羽於山東因專天下由是數事兼之亦天也○光曰

一與與創同言周秦楚漢一廢
興皆天命使然非專人事人
問人事者何也。曰兼

尚才權右計左數動謹於時人也
咸曰無用也尚尊也

楚漢之成敗或用其才良或尊其權變或上其計策或
下其奇數雖皆謹於時然所取之異故一亡一興此乃

人事也。○秘曰雖人事亦須謹慎於時然後動也。○光
曰兼才謂總覽天下之英才右計左數言不離計數之

中天不人不因人不天不成
曰天人合應功業乃隆。○秘

人非受天命亦無所成天命天數皆天也書曰天之歷
數在汝躬詩曰周雖舊邦其命惟新。○光曰天之禍福

必因人事之得失人之或問楚敗垓下方死曰天也
成敗必待天命之興奪或問楚敗垓下方死曰天也

為高祖所敗於垓下臨死
諒乎信如羽
歎曰天亡我非戰之罪
之言否曰漢屈羣策羣

策屈羣力

羣臣能屈也。咸曰言漢能屈已以用羣臣之策

羣策無能出漢之右者故曰漢屈羣策。楚激羣策而自

屈其力

激惡也。咸曰楚有一范增不能用是惡羣策

切既廢羣策而不屈人者克自屈者負天曷故焉

言無私親惟應善人。咸曰言楚或問秦楚既為天典

命矣

光曰為天主號令

秦繼灞上楚分江西興廢何速也。典主

曰言秦雖兼天下楚雖暴立但為天掌其命以擇賢主
爾故其興之忽廢之速也秦繼灞上者謂沛公十月至
灞上子嬰係頸以組而降也故謂之繼楚分江西者分
散也羽與江東子弟興兵卒敗于垓下以江東言之故

謂之西也。○光曰分謂身首五分。

曰天眚光德而隕明忒。

天之所福光顯有德而令

隕之者明乎秦楚忒惡之所致。○秘曰眚德者天福眚之令長彰惡者天隕越之令短。○光曰眚與祚同忒當

作惡惡也。光德謂德之路融者明惡謂惡之顯著者。

昔在有熊高陽高辛唐虞三

代咸有顯懿。

咸曰有熊少典之子黃帝也高辛黃帝之曾孫帝嚳也

故天眚之為

神明主且著在天庭。

庭猶皇階帝籙之義咸曰天庭謂天帝之庭

是生民之願

也厥饗國久長。

神明主郊祀。○秘曰天福眚之為天地神明之主其顯德且昭著在天帝之庭

是生民之願合乎民心故享國長久。眚古字作祚。○光曰宋吳本顯懿作顯德今從李本著在天庭猶云簡在

上帝之心五帝三王以明美之德故為天所祚人所愛而久長。

若秦楚強閱震撲胎籍

三正播其虐於黎苗

咸曰胎當為跖字之誤也閼狼也胎籍猶暴侮也○祕曰閼闕也撲

猶言擊也胎始也籍狼籍也謂亂也三正天地人也胎籍猶言擾也黎苗九黎三苗也布其虐甚於九黎之

亂德三苗之不恭○先曰閼許激切胎當子弟且欲喪

之咸曰子弟至親亦欲其喪亡况於民乎况於鬼神乎廢未速也不

早亡○祕曰謂其不仁不親不祚宜速或問仲尼大聖則天曷不祚祕主

曰不祚之曰無土祕曰言無土地可因然則舜禹有土乎祕曰舜禹本亦

無土曰舜以堯作土禹以舜作土道貴順理動無常因也

聖以登禪舜禹也上無舜禹之時下無湯文或問聖人之土故不祚耳若秦楚之祚非所以為祚也

表裏

表裏內外

曰威儀文辭表也德行忠信裏也

一明乎得或

問義帝初矯

矯立三年沛公與項梁共立為楚懷王至漢元

年項羽陽尊之為義帝實不用其命

故云初矯○光曰矯舉也初舉兵

劉龕南陽龕取也

○光曰龕與

項救河北

項羽

二方分崩一離一合設秦得

人如何

而設假○咸曰言義帝初立時關中既分為三秦而楚項又各歸一方當此之際設令秦尚有人

復起如何也○祕曰龕宜讀如戡戡克也假若義帝如初矯立而使劉漢戡定南陽項羽得救河北二方爭戰

一離一合設使秦尚得人以關中待之如何義帝楚懷王孫心也沛公項梁共立之以從民望是矯也漢王始

都南鄭屬山南西道而連南陽在山南東道項羽都彭城屬河南道而連河北道或人以其地勢言之曰

人無為秦也喪其靈久矣

叛秦秦喪其社稷之靈已久

笑○光曰天下

怨怒莫為之用韓信黥布皆餓立南面稱孤卒窮時戮

無乃勿乎窮極

咸曰卒盡也言當是之時韓信方為

起南面稱孤以蓋窮時戮無乃不可乎勿猶不也言不

可也○祕曰時是也韓信封楚王黥布姓英氏封淮南

王二王皆無其德徒以戰鬪立功使左右餓立南面桶

孤終窮於是而見戮無乃勿為王其愈乎劉昭曰自天

子至於庶人咸皆帶餓故蕭何餓履上殿是也○光曰

信布以匹夫杖劍自立雖雙貴而禍辱隨之不若始者

勿或曰勿則無名如何

咸曰言不然則為秦

為

令名也

祕曰夫貴名者善名也

忠不終而躬逆焉攸令

咸曰令善也焉安也

言所謂名者宜立善名也當此之時欲效其忠以為秦

且忠未盡而身已見害為之逆矣安可謂善哉○祕曰

二王皆忠不終而躬或問淳于越曰伎曲

咸曰淳于越齊人為秦博

士謂始皇曰殷周之王千餘歲封子弟功臣自為枝輔

今陛下有海內而子弟為匹夫卒有田常六卿之臣無

輔拂何以救哉事不師古而能長久者非所聞也請問

咸曰問伎曲之目曰始皇方虎捫而梟磔噬士猶腊肉也越與

亢眉終無撓辭可謂伎矣有才伎也○咸曰虎捫梟磔

興起也當是時始皇暴酷如此而越敢起而亢舉其眉

以言封建之事其辭不撓可謂有才伎也○光曰宋吳

本越與作越興今從李本捫仕無妄之國祕曰按易無

音列磔陟格切梳女教切闕

妄其乾道四

德而秦世稱之者蓋無妄匪正也言秦不以正道而決行於世詎免乎災眚若天下雷行而不以正道天命不祐行矣哉食無妄之粟分無妄之橈自令之間而不違可謂

曲矣

橈時榮也自令與始皇併心為無道○咸曰橈亂也自令謂自使令也違去也言秦亡道如是而越

自使令之間不能違去於秦以高飛遠引徒欲分解其亂雖能強言封建之事亦曲矣○祕曰越事秦暴虐必行之國祿其粟受其亂自始皇下令之間又不能違而去之是曲已李斯謬其說請有文學詩書百家語有蠲除去之令到滿三十日弗去黥為城旦橈亂也或本作鮑○光曰並闕或問茅焦歷井幹

之死使始皇奉虛左之乘

始皇以嫪毐事幽母咸陽宮諫者輒取於井幹闕下茅焦

歷井幹之上而諫始皇即駕與執轡虛左親迎其母蔡生欲安項咸陽不能移又

亨之或者未辯歟

項羽欲東還下邳蔡生說使都咸陽既不能移又為所亨案漢書云韓生

揚子云蔡生未知孰是○咸曰亨當作烹字之誤也言韓生說羽既不能移又為羽所烹殺也未辯者言韓生

未能善辯使其都咸陽以免其殺○光曰幹音韓乘繩證切亨與烹同音義曰文記作蔡生光謂井幹謂始皇

殺諫者二十七人積屍闕下如井幹之狀言茅焦能移始皇暴怒之意者以其辯也蔡生不能移項羽或者未

辯歟

曰生捨其木侯而謂人木侯亨不亦宜乎

咸曰生謂韓生也木

侯當作沐猴亨亦當作烹也項羽既殺子嬰燒其宮室收寶貨婦女而東韓生說羽曰闕中阻帶山河四塞之

地肥饒可都之項羽見秦皆已燒殘又懷東歸曰富貴不歸故鄉如衣錦夜行韓生曰人謂楚人沐猴而冠果

然羽聞之乃斬韓生此言項羽之暴久矣韓生說之都咸陽既不能移即當自引反謂人為沐猴雖見烹亦宜

矣。○秘曰：生既知羽如沐猴，捨而去之可也。乃謂人明言其沐猴而見，息不亦宜乎？蓋不能危行言遜也。○光曰：言蔡生知項羽暴抗，素不為羽所知，信獻策不用，又從而訕之，是自有沐猴之狂也。易曰：君子安其身而後動，易其心而後語。焦逆許而順守之，雖辯劇虎牙矣。

逆意而諫順義而守

可謂辯說矣。然劇近虎牙，言其殆也。○秘曰：劇義如摩焦所諫，皆逆其意而許其事，所守皆陳母后之大義。至順之理，雖辯則辯矣。譬猶摩虎牙也。言無位而廷諫，履危之道也。○光曰：許居謁，切劇音磨，直數其惡，是逆許歡之以考入之。或問甘羅之悟，呂不韋張辟疆之覺，平以忠是順守。

勃皆以十二齡茂良乎？

秘曰：甘羅甘茂孫也。以請張唐相燕及先報趙事，悟呂不韋辟

疆張良之子也。以孝惠崩，呂太后哭不哀，事覺。陳平周勃皆十二歲，豈甘茂張良為之祖父使之然乎？○光曰：

以甘茂之孫張良之曰才也茂良不必父祖天才自然發其神心

子故能如此其慧乎無假祖父○祕曰人之生天與之才譬如茂良非假父祖使之然也○光曰言祖孫父子材性不必相類或

問酈食其說陳留下教倉說齊罷歷下軍何辯也光曰酈音

歷食其音異韓信襲齊以身脂鼎何訥也曰夫辯也者

自辯也如辯人幾矣幾危也小有才猶未聞君子之大道也斯足以殺其身而已○咸曰

食其說沛公以陳留天下之衝又願收取滎陽據教倉之粟又說齊王田廣七十餘城已下矣而韓信為蒯通所說忌其憑軾之功遂乃夜渡兵平原襲齊是使齊王疑食其賣已乃烹之當是之時非食其之不能辯勢之然也何哉夫前與之和後暴之兵安使廣之不疑哉今揚之意言君子之所謂辯者當以正諫之道自辯其身

如仲尼之於衰周孟軻之於戰國爾若夫以辯說人則猶商君應侯之徒矣不亦危哉蓋恥之也○祕曰幾近也夫辯者辯其禮樂之所歸行之而為君子也如事談說以辯於人不亦幾乎貽鼎哉○光曰幾音機辯者以辯自明其志則可矣若恃其或問蒯通抵韓信不能下辯欲以欺誘它人此危事也

又狂之

祕曰蒯通說韓信使三分天下鼎足而立信不忍背漢遂謝通迫說不聽惶恐乃陽狂為巫抵

擠也謂其談說若擠排使之○光曰信既不用其策又陽狂為巫言亦未辯

曰方遭信閉如

其抵

信盡忠高祖若門戶之閑無隙隙也

曰噉可抵乎

祕曰噉噉噉噉也言若設噉噉之詐謀

以動之其可抵乎○光曰噉許羈切

曰賢者司禮小人司噉况拊鍵乎

咸

司伺也拊拍也言賢者伺見禮制則動小人伺見噉隙則作况拍去關鍵乎○祕曰司主也賢者所主人事使

人惟禮是視不為小人巖嶮之謀况信拍鍵而閉之乎
言不可為也拊拍也鍵鍵籥○光曰拊音撫鍵其輦切
鍵籥是也賢者見有禮則從之小人見罅隙則抵
之抵戲猶不可况閉戶無隙而欲拍鍵強入乎
或問

李斯盡忠胡亥極刑

光曰太史公語

忠乎

光曰斯可謂盡忠乎

曰斯以留

客

秦嘗欲逐諸侯之客斯上書以為不可秦聽之是一事忠

至作相

秘曰李斯楚上蔡人也斯歎曰

吾以忠死宜矣而二世夷其三族此果忠乎始以逐客
上書遂留之以至丞相言其信重○光曰因上書留客
為秦王所知始用
事以至為丞相
用狂人之言從浮大海立趙高之邪

說廢沙丘之正阿意督責焉用忠

始皇信妖言東浮滄海斯為宰相也

不能諫止而從行及始皇崩於沙丘斯納趙高之計矯廢
扶蘇而立胡亥胡亥既立縱暴斯諫之而見怒恐誅乃作

督責之書以阿二世之意此諸事皆非忠直○
光曰於此數事皆不忠欲於何所用其忠乎 霍祕曰

以斯非忠請 曰始元之初祕曰武帝以光行周公之事
問霍光忠乎 曰始元之初祕曰武帝既立始元六年

詔郡國舉賢良文學之士遂罷郡國
詔關內鐵於是利復流下庶人休息 擁少帝之微祕曰

立年八歲政事一決 推燕上官之鋒祕曰始元之明年燕
光班固曰擁昭立宣 刺王旦上官桀等謀

反皆誅滅之班固 處興廢之分祕曰昭帝立十三年而
曰推燕王什上官 崩無嗣光乃議迎昌邑

賀賀立二十七日行淫亂一千一百二十七事光白太
后廢昌邑王而立宣帝班固曰處廢置之際臨大節而

不可 堂堂乎忠難矣哉祕曰光茲數事之忠堂堂乎它
奪 人之所難行哉○光曰李本作

始六世之詔宋吳本作始六之詔音義曰天復本作始
元之初今從之始元昭帝年號也興廢謂廢昌邑王立

宣帝堂堂勇貌言此皆霍光忠於社稷之事人所難說

至顯不終矣

顯光之夫人名也毒殺許

皇后後光心知之而不討賊○祕曰光夫人東閣顯使淳于衍毒殺許皇后因勸光納小女成君為后及光死後語泄上始聞之後奪霍禹等印綬終至棄市○光曰光知妻顯為邪謀而隱蔽不言忠不終矣

或問

馮唐面文帝得廉頗李牧不能用也諒乎

祕曰馮唐為郎面對文帝

曰主臣陛下雖有廉頗李牧不能用也信文帝不能用乎○光曰頗滂忝反

曰彼將有激也

親屈帝尊以信亞夫之軍至頗牧曷不用哉

祕曰唐知雲中守魏

尚擊匈奴有坐欲以激文帝耳至于不入細柳信亞夫之軍豈不能用頗牧哉○光曰信與申同面謂面折

德如○光曰問文帝之德

曰罪不孥

止罪其身不收入妻孥

宮

不女

出宮人嫁之令無怨曠

館不新

仍舊制也

陵不墳

葬於霸陵因山不起墳

或

問交曰仁

秘曰仁者不棄其交。光曰惟仁人之交不以利勢而以德義

問餘耳

陳餘張耳

曰光初

有始無終。秘曰餘耳相與為刎頸之交後有隙卒相滅亡故曰光初班固曰勢利之交後有

羞之蓋謂是矣

竇灌曰凶終

竇嬰灌夫甚相親友不勝相助犯觸田蚡並皆罹禍。光曰竇嬰灌

夫之交雖不變其初然終以朋黨陷於大戮亦不足貴也君子義之與比

或問信曰不食其

言

食偽。秘曰孔安國曰食盡其言偽不實

請人曰晉荀息

秘曰僖公九年傳曰初獻公使

荀息傳奚齊公疾召之曰以是藐諸孤辱在大夫其若之何稽首而對曰臣竭其股肱之力加之以忠貞其濟君之靈也不濟則以死繼之及

趙程嬰公孫杵臼

秘曰晉景

公三年大夫屠岸賈殺趙朔趙同趙括趙嬰杵臼不死卒保趙孤於山中景公卒與韓厥謀立之即趙武也子雲稱履信之人據司馬遷而言也案成公八年傳晉趙莊姬為趙嬰之亡也曰原屏將為亂欒卻為徵六月晉討趙同趙括武從姬氏畜于公宮以其田與祁奚韓厥言於晉侯曰成季之勲宣孟之忠而無後為善者懼矣乃立武而反其田由是觀之趙武之立曾不逾歲謂之遺腹遺之妾也

秦大夫鑿穆公之

側

此章全論不食言之德○祕曰秦大夫子車氏奄息仲行鍼虎皆秦之良也穆公卒以為殉言此三良皆

穆公未即命時語以從死至葬則鑿其塚壙之側以死之詩曰臨其穴是也左傳譏之者譏穆公也至三良則

不食其言者也

問義

既聞諸賢之信又問於義誰得

曰事得其宜之謂義

義者得死

生之宜也不得死生之宜者非義也若程嬰杵臼兼乎信義也秦晉大夫止可謂重言之信蹈義則未也○咸

曰行而宜之之謂義言仁智禮信之事行之俱得其宜乃合於義檀弓曰陳乾音寢疾屬其兄弟而命其子尊已曰如我死必大為我棺使吾二婢子夾我陳乾昔死其子曰以狗葬非禮也况又同棺乎弗果殺茲得其宜也○光曰程嬰自殺以報公孫杵

或問季布忍焉可為

祕曰季布楚人也項籍使將兵數窘漢王項羽滅高祖購求千金困迫乃為奴賣與魯朱家○光曰季布勇者乃至髡鉗為奴曰能者為之明哲不為也

言能忍辱貪生者乃為之

○祕曰進退必以禮義○光曰有才能自惜其死欲有所施如管仲季布者則為之君子既明且哲以保其身

然不
或曰當布之急雖明哲如之何曰明哲不終項仕

如終焉攸避

苟患失之無所不至○咸曰言明哲者見於未萌識于未兆觀項羽之庸烏肯終仕

之哉如終仕之乃非明哲矣如是則當其急也安可避耶○祕曰不終項仕猶言終不仕項言項羽不師古而奮私知謂之明哲豈終仕之哉○如果有明主而終仕之安避其難○光曰明哲必知項羽之終不可輔而早去之若終仕羽羽敗當死之復安所避乎

或問賢曰為人所不能請人曰顏

淵黔婁四皓韋玄成

顏淵韋玄成不改其操黔婁守正不邪死而並彰四皓白首高尚其事

韋玄漢丞相賢之少子也賢薨玄當襲封被髮佯狂欲以讓兄○咸曰擬人必於其倫顏子至賢其殆庶幾黔婁四皓既非其儔況以韋玄不亦甚哉○祕曰顏淵之賢脩體之賢韋玄之賢未至之賢王莽篡天下而韋玄讓一家於是乎賢耳亦猶論德行稱顏淵閔子騫冉伯牛仲弓凡此數子豈必皆與顏淵俱盡至賢之道哉○光曰李宋吳本無成字音義曰天復本作韋玄成今從之顏淵黔婁安貧四皓輕祿位而重禮韋玄成讓爵皆

人所不能問長者曰藺相如伸秦而屈廉頗藥布之不塗朱

家之不德直不疑之不校韓安國之通使

相如伸理於秦王屈意於

廉頗藥布為梁大夫奉使行高祖誅梁王彭越見滕公得報命首下哭而祠歛之也朱家以季布有脫見滕公得解其急也而不使布知又終身不復見布直不疑嘗為郎三人同室一人有金一人急歸誤持金去主意不疑不疑買金償之其後誤持金者還之主乃明之又人謗其淫嫂而云無兄亦不自明也韓安國梁孝王之內史時景帝疑梁王梁王大懼安國稱病去官陰往長安因長公主以解王事○光曰音義曰不塗作不倍光謂塗當作渝

變也

或問臣自得

咸曰忠而正乃臣之自得也○祕曰何以全臣之節

曰祕曰揚恐

不諭舉其人以明之

石太僕之對金將軍之謹張衛將軍之善慎

邴大夫之不伐善

丞相石慶嘗為太僕時上問輿中馬幾匹太僕以策數之畢對曰六匹金

將軍日碑為人謹慎目不逆視數十年張衛將軍名安世為人周密重慎丞相邴吉宣帝少時以巫蠱事嘗在殿中吉嘗救護又養視有恩絕口終不言官至御史大夫乳母述之然後乃知封博陽侯請問臣自失咸曰邴而私乃曰李貳師之執二田祈連之濫帥韓

馮翊之惣蕭趙京兆之犯魏

貳師將軍李廣利說劉屈氂立昌邑王為太子二心

不端武帝疑之遂降匈奴祈連將軍田廣名為宣帝擊匈奴不利質淫婦人也韓馮翊名延壽惣御史大夫蕭望之與原穢為姦而焚其廩也趙京兆名廣漢疑魏丞相夫人殺侍婢圍捕之而無寶反獲其罪也或問持滿曰挽欹欹器在魯桓公廟者欲人推心當如此器戒之○咸曰挽抑也猶抑損之也言持滿

者當自抑損以正其敬不然則覆矣。祕曰抗亦持也。魯桓公之廟有敬器曰宥坐之器虛則欹中則正滿則覆持滿盈如持敬器也。○光曰李本無敬字今從宋吳本抗於草切。楊王孫僂葬以矯世倖厚葬也。○祕曰楊王孫孝武時人學黃老之術報祈侯曰蓋聞古之聖王緣人情不忍其親故為制禮今則越之吾是以僂葬將以矯世也。○光曰僂郎果切。曰矯世以禮儉喪過乎哀。

僂乎如矯世則葛溝尚矣。

古者未知喪送之禮死則果尸以葛投諸溝壑若王孫之

矯世此事復尚為之矣言不可行也孝子仁人必有道以掩其親賢人君子必率禮以正其俗。○光曰尚上也。言君子矯世當以禮乎當以僂乎若欲為已甚以矯世則莫若效古葛溝者為上矣何以葬為。或問周官曰立事。咸曰制三百六十官可謂立事矣。○光曰設官分職以治萬事。左氏曰品藻

咸曰左氏隨事稱君子曰以論其善否皆得其當可謂品藻矣。○祕曰左氏品藻是非而聖人之褒貶彰矣。

光曰品第善惡藻飾其事。太史遷曰實錄不虛美不隱惡。咸曰遷採春秋尚書國語戰國策

而作史記其議事甚多疏略未盡品藻之善故揚雄稱實錄而已。蓋言但能實錄傳記之事也。○祕曰本傳曰

自劉向揚雄博極羣書皆稱遷有良史之材服其善序事理辯而不華質而不俚其文直其事核不虛美不隱

惡故謂實錄蓋言其序事而已。○光曰記事而已。



揚子法言卷七

欽定四庫全書

子部

楊子法言卷八

十

詳校官侍讀學士_臣沈咸熙

編修_臣程嘉謨覆勘

總校官知縣_臣繆琪

校對官典簿_臣劉景岳

謄錄監生_臣陳賓

欽定四庫全書

揚子法言卷八

晉李軌 唐柳宗元 註

宋 宋咸吳祕司馬光 重添註

荆騫篇

咸曰以君臣者率迴淵騫之行則可勝道哉故次之重黎

仲尼之後迄于漢道

光曰宋吳本迄作訖今從李本迄至也

德行顏閔股

肱肅曹爰及名將尊卑之條稱述品藻

定其差品及文質也○咸曰品

歷世之臣者為不少矣然以荆騫為不可及而冠章首有意哉子雲也有以知長爵之達弗逮乎廣道之尊乎

或云是篇與重黎共序然漢書有之疑非揚辭而班固實之未知其據焉○祕曰論漢道以仲尼之後蕭曹名將以德行顏閔所以為品藻謨淵騫○祕曰聖人之道豈也○光曰尊卑謂才德高下謨淵騫不大哉賢哲所得各有差品一本無此序

或問淵騫之徒惡乎在

○祕曰據顏淵閔子騫之徒已沒○光曰惡音烏問今世何無其

人

曰寢

○咸曰孔子云由也升堂矣未入於室也○寢亦室也言游夏諸子在室明入聖人之奧者也○祕

曰在當為不字之誤也名愈彰而道愈隆故曰不寢○光曰宋吳本作在寢今從李本言淵騫之才今亦有耳但寢伏不為人所知也○或曰淵騫曷不寢○咸曰言游夏之徒尚在室而淵騫二子奚不然

○祕曰淵騫非有文章著世何為不寢

曰攀龍鱗附鳳翼翼以揚之勃勃

乎其不可及乎如其寢如其寢

咸曰夫入室見與尚可至焉如顏閔則與聖人

高飛冥冥而絕者也其可慕乎故孟子云子游子夏子張皆有聖人之一體閔子顏淵則具體而微揚子之論在於是非邪翼風也勃勃輕迅貌○祕曰淵騫得聖人而師之譬如攀龍鱗附鳳翼翼風以揚之勃勃然而興後之人不可及也如何其寢如何其寢言其道愈不寢也○光曰宋吳本作吳以揚之今從李本揚發揚也如其寢言其不可寢伏也

七十子之於仲尼也日聞所不聞見所不見

文章亦不足為矣

咸曰揚以門人為三品論之也言淵騫為其絕游夏之黨得其奧七十子

亦被其淳道矧文章末業爾何難為哉○祕曰非止淵騫也至于七十二子皆日有聞見所以學為賢哲君子也至於文章何足可為哉文章謂若卜商序詩曾參孝經之類史記曰孔子以曾參能迺孝道故授之業作孝

經○先曰宋吳本作七十二子今從李
本言遊孔門者務學道德不事文章

君子絕德小人

絕力或問絕德曰舜以孝禹以功皐陶以謨非絕德邪

是皆德之殊絕○
秘曰冠乎上世

力 絕力者何○
秘曰問絕力

秦悼武烏獲任鄙扛

鼎扞牛非絕力邪

皆以多力舉重崩中而死所謂不得
其死然○秘曰秦悼武秦惠王之子

也武王有力好戲力士任鄙烏獲孟說皆至大官王與
孟說舉鼎絕續而死扞牛亦多力也呂氏春秋曰遂擒
推移大犧高誘云衆多力能推移大犧因以
為號○先曰扞牛謂以兩牛相擊如扞手狀 或問勇曰

軻也曰何軻也曰軻也者謂孟軻也若荆軻君子盜諸

秘曰荆軻衛人也為燕太子刺秦王以君
子之道類之則大盜耳○先曰比諸盜賊請問孟軻之

勇曰勇於義而果於德不以貧富貴賤死生動其心於

勇也其庶乎

或人之問勇若衛靈公之問陳也仲尼荅以俎豆子雲應以德義○祕曰養浩然之

氣勇之大者○光曰孔子曰見義不為無勇也

魯仲連傷而不制

高談以救時難功成而不

受爵賞○咸曰魯仲連齊人不肯仕宦好持高游於趙會秦軍圍邯鄲魏使新垣衍說趙王令尊秦昭王為帝而仲連挫之垣衍不敢復言帝秦秦將聞之為却軍五十里遂引而去於是平原君欲封魯連魯連遂辭而去終身不復見傷猶倨慢也制猶整肅也言仲連倨慢於爵利而不能整肅於官事也○光曰宋吳本傷作傷制

作制介甫曰楊古蕩字

蘭相如制而不傷

好義崇禮屈身伸節輔佐

本國繫時之務也○咸曰蘭相如趙人相趙惠王與秦昭王會澠池既罷歸以相如功大拜為上卿位在廉頗

之右頗羞不忍為之下宣言曰我見相如必辱之相如聞之常引車避匿嘗曰願吾念彊秦所以不敢加兵於趙者徒以吾二人在也今兩虎共鬪其勢不俱生吾所以為此者以先國家之急而後私讎也廉頗聞之肉袒負荆至相如門謝罪此言藺相如自屈如是欲整肅於官事而不倨慢於爵利也○光曰音義曰陽與蕩同光謂蕩謂逸其身心制謂拘於祿位仲連不以富貴動其心而未能忘死生相如不以死生動其心而未能忘富貴故云然

或問鄒陽

秘曰鄒陽去吳之梁然否

曰未信而分疑忼辭免罫

幾矣哉

鳥罫謂之罫猶人之繆繼幾危也獄中出慷慨之辭由得以自免亦已危矣○咸曰鄒陽事漢

景帝弟梁孝王為羊勝公孫詭所疾而諛之孝王怒下陽吏將殺之陽從獄中上書孝王立出之卒為上客未信而分疑者言未為梁王所信方為其所疑雖能分解以免固亦危矣○光曰忼苦兩切罫昌鐘切幾音機孔

子稱信而後諫未信則以為謗已也陽初仕梁未為孝王所信而深言以觸機事分取孝王之疑故曰未信而

分疑或問信陵平原孟嘗春申益乎

秘曰信陵君魏無忌魏安釐王異母弟也

平原君趙勝趙之諸公子趙惠文王弟也孟嘗君田文齊威王孫也春申君黃歇楚人也問有並於國乎曰

上失其政姦臣竊國命何其益乎

當此四君之時實皆有益於其國而揚子

譏之者蓋論上失其政故辯明之

在國君而四君專之故曰竊國命○光曰洪範曰臣無

有作福作威四豪聚私黨以專國政故曰姦臣竊國命

樗里子之智也使知國如

知葬則吾以疾為著龜

秘曰樗里子名疾秦惠王之弟有滑稽多智秦人號曰智囊卒

葬于渭南章臺之東曰後百歲當有天子之宮夾我墓至漢興長樂宮在其東未央宮在其西言使其知國家

未來之安危亦如別
樊則其神智如著龜
周之順赧以成周而西傾
咸曰昔周武王

都於鎬京謂之宗周即西周也至幽王以犬戎亂平王
東遷於洛即周公所營之王城是謂成周亦曰東周也

秦都咸陽在西而赧王為秦所滅故曰西傾○光曰宋
吳本作周之傾赧今從李本音義曰諸本皆作順赧順

靚王及赧王也俗本作傾誤也史記作
慎靚王索隱作順靚王或是慎轉為順
秦之惠文昭襄

以西山而東并
秘曰周顯王四十四年秦惠文始稱王至昭襄王五十一年乃滅周時秦都雍

州西山在焉而東滅周故曰東并本
紀曰文公卒葬西山○光曰并音併
孰愈
咸曰問西傾東并誰優○

秘曰或者以子雲不與秦
故問西傾東并誰為優
曰周也羊秦也狼
咸曰周衰弱如羊秦

如狼然則狼愈歟
光曰問強猶勝於弱乎
曰羊狼一也
通猶不及兩不與也

○咸曰言周以不道而弱秦以不道而強強與弱雖異而不道一也○秘曰夫湯武革命順乎天而應乎人者以道聽易暴亂者也今秦以暴虐易微弱而民不安堵何愈之有或問蒙恬忠而被誅

忠奚可為也曰塹山堙谷起臨洮擊遼水力不足而屍

有餘忠不足相也

相助也雖盡一身之節而殘百姓之命非所以務民之義○咸曰秦已并

天下乃使蒙恬將三十萬衆北逐戎狄收河南築長城起臨洮至遼東延袤萬里又始皇欲遊天下乃使蒙恬通道自九原抵甘泉塹山堙谷後始皇卒胡亥立與其弟蒙毅俱為趙高所害吞藥而死司馬遷謂蒙恬所為秦築長城亭障塹山堙谷通直道固輕百姓力矣夫秦之初滅諸侯天下之心未定痍傷者未瘳而恬為名將不以此時強諫振百姓之急養老存孤務修衆庶之和而阿意興功此其兄弟遇誅不亦宜乎今揚旨與遷同

故備載之以見始末。○光曰：李本屍作死，今從宋吳本，整七藍切。兆士刀切，相息亮切。或問呂不

韋其智矣乎？以人易貨。

呂不韋陽翟賈人也，出千金以助子楚。子楚既立，不韋相之。

祕曰：呂不韋陽翟大賈人也。秦子楚質於趙，不韋曰：此奇貨可居。故曰人易貨。○光曰：捐千金而得子楚，曰

誰謂不韋智者歟？以國易宗。

雖聞列封先笑，後愁身既。雖死，宗族竄流。○祕曰：不

韋仕不由道，用貨財而佞於華陽夫人，以取顯位，終乃家屬徙蜀，飲鴆而死。是徵取國權，以易宗族。○光曰：貪國權而喪其宗。呂不韋之盜穿窬之雄乎？非以其道穿窬也者

吾見擔石矣，未見雒陽也。

雒陽不韋所封國也。揭雒陽而行天下，豈徒擔石乎？○祕

曰：穿窬者，伺慢藏而得之，不過一擔一石，而不韋伺人顏色而取之，雒陽之封是其雄也。子楚立，是為莊襄王。

以不韋為丞相封為文信侯食河南雒陽十萬戶。○光曰：爵音踰，擔都濫切。

秦將白起不仁

奚用為也？長平之戰四十萬人死，蚩尤之亂不過於此。

矣。原野厭人之肉，川谷流人之血，將不仁奚用為？

○奚何咸

曰：白起事秦為武安君，前後伐韓魏，斬殺甚多。昭王四十七年，與王齕伐趙，圍其將趙括於長平，既殺趙括，括軍敗，卒四十萬人降，起起乃挾詐而盡坑殺之。問王故，揚以為不仁。○光曰：用將所以救亂誅暴。

剪

問王剪

祕曰：王剪領陽東鄉人也。問其將略。

曰：始皇方獵六國而剪牙歟。

咀噬用牙言其

酷也。歟者絕語，歎聲。○祕曰：言剪之助惡也。牙歟謂切齒而怒也。歟怒聲。太史公曰：王剪為秦將，夷六國。○光

曰：歟為開切。剪為之牙以噬物。

或問要離非義者歟，不以家辭國。

祕曰：要離

吳人棄家而為國疑其有義。○光曰：要一遙切。

曰：離也。火妻灰子以反於慶忌。

實蛛蝥之靡也。焉可謂之義也。

義者臣子死節乎君親之難也。離自平人而焚

燒妻子詐為吳仇。離求信於慶忌。反而刺之。若蜘蛛之小巧耳。○秘曰：吳王闔閭欲殺王子慶忌，要離詐以罪

亡令吳王燔其妻子而揚其灰，走見慶忌，以劔刺之。譬如蜘蛛之螫毒於人而靡死也。焉可為義哉。靡披靡而

死也。○光曰：宋景本發作螫，今從李本。蛛音誅，螫音矛。靡與糜同音。義曰：賈誼新書曰：蛛蝥作網，光謂靡爛也。

政也。

秘曰：攝政軹深井里人也。問其義乎。

為嚴氏犯韓刺相俠累，曼面為

姊實壯士之靡也。焉可謂之義也。

俠累韓相名也。○秘曰：嚴仲子事韓哀侯。

與韓相俠累有郤。仲子恐誅亡去，游齊交聶政。政後伏劍至韓，刺殺俠累，因自斲面決眼，自屠出腸，遂以死其

姊嫪如韓之市伏尸哭於邑悲哀而死政之旁曼無也
言政知姊之忠烈乃鍍其面使他人無所識認且欲全
其姊者也小爾雅曰曼無也○
輅也問荆軻○祕曰
光曰音義曰曼謨官切塗面荆軻也義乎為

丹奉於期之首燕督亢之圖入不測之秦實刺客之靡

也

咸曰燕太子丹以荆軻為上卿欲以報秦先是秦將
樊於期得罪亡入燕太子丹受而舍之秦購樊於期

首金千斤邑萬家則軻謂太子丹曰誠得樊將軍首與
燕督亢之地圖以獻秦王王必悅見臣臣乃得以報矣
於是說樊於期於期遂自刎軻乃與秦舞陽盛於期首
函封之及求天下利匕首與秦督亢之地圖至秦秦王
聞之喜乃見於咸陽宮軻奉於期首而秦舞陽奉地圖
秦王發圖窮而軻以左手持把秦王之袖右手持匕首
搥之秦王驚自引而起軻知事不就倚柱而笑箕
倨以罵秦王左右遂前殺軻矣○光曰亢音剛焉可

謂之義也

三士所死皆非君親之難也非義之義君子不為也

或問儀秦學乎鬼

谷術而習乎縱橫言安中國者各十餘年是夫

祕曰張儀魏人

也蘇秦雒陽人也俱事鬼谷先生學術裴駰曰按風俗通人曰鬼谷先生六國時縱橫家於是張儀相秦蘇秦

相六國乃投縱約書於秦秦兵不敢闕谷闕十五年問是道夫

曰詐人也聖人惡諸

皆飾詐辯尚權變聖人不取也

曰孔子讀而儀秦行何如也

欲讀仲尼之書而行

蘇張之辯

曰甚矣鳳鳴而執鵠翰也

咸曰鳳鳴謂孔子讀也鵠翰謂秦儀行也○祕曰鵠

擊也鄒陽曰鵠鳥累百○光曰翰胡安侯肝二切鵠鷹隼也翰羽翼也

曰然則子貢不為

歟

言子貢亦若說抑齊破吳以救魯○祕曰齊欲伐魯子貢行而說齊存魯破吳彊晉霸越言儀秦非道則

子貢學孔子矣不為之乎。光曰子貢存魯亂齊破吳
強晉霸越考其年與事皆不合蓋六國游說之士託為
之辭太史公不加考校因而記之揚子亦據太史公書發此語曰亂而不解子貢耻諸

說而不富貴儀秦耻諸

耻國亂而不解其義高耻游說而不富貴其情下。祕曰子貢

之志在解於禍亂儀秦之志在求於富貴苟求富貴則無所不至矣或曰儀秦其才矣乎

跡不蹈矣

蘇秦佩六國相印以抑彊秦張儀入秦而復其衛後破山東。咸曰迹不蹈已者蹈踐也

言儀秦之才術超卓自然不踐循舊人之迹。祕曰儀秦雖同術豈非才乎秦則務縱橫儀則務解之二人之

迹各不相蹈

曰昔在任人帝曰難之亦才矣

祕曰任佞也巧言近佞不以才

也。光曰宋吳本作昔在任人帝而難之不以才矣今從李本任音壬難讀如字佞者口才也辨謂知人安民

惟帝其難之能哲而惠何畏乎巧言令色孔壬揚子
言雖究之徒能以巧言惑聖人其才亦不在人下矣才

乎才非吾徒之才也

秘曰儀秦之才非元凱之才也○光曰口才君子所不貴美行

園公綺里季夏黃公角里先生

避秦之亂隱居商山不朝高祖而從太子帝客

禮之○秘曰行人所不能四皓也

言辭婁敬陸賈

婁敬說高

祖都闕中陸賈說尉佗為漢臣又作新語高祖善之

執正王陵申屠嘉

呂后欲王諸呂陵執

意不從免陵乃得封之文帝佞幸鄧通至使慢禮嘉折之又晁錯犯憲嘉奏誅錯○光曰宋吳本正作政今從李本

折節周昌汲黯

高祖欲易太子周昌面爭以為不可武帝時公孫弘為丞相汲黯面折弘於上前以

為弘諛不忠○秘曰折節言其能降也夫彊直之人降則為亂若二公者天姿彊直而能乃降其折節可尚矣

守儒袁固申公

袁固守正以得舉於竇太后后使入園擊鹿申公守正以事楚王卒為楚王所

害此二公終不屈其道○祕曰袁固生以治詩孝景帝時為博士竇太后好老子書召袁固生問老子書固曰此是家人言耳頃之為清河王太傅久之病免申公以詩經為訓及趙綰王臧謂天子欲立明堂以朝諸侯不能就其事乃言師申公於是天子使使東帛加璧安車駟馬迎申公以為太中大夫舍魯邸議明堂事竇太后不說儒術得綰臧之過申公以疾免

災異董相夏侯勝京房

董仲舒夏侯勝京房皆善

推陰陽知災異

或問蕭曹曰蕭也規曹也隨

蕭何規版於前如一曹參奉隨於後

不失○光曰非蕭不能規非曹不能隨二人協心共成漢道其賢等耳

滕灌樊鄴曰俠介

滕公灌嬰樊噲鄴商此四人前後輔夾高帝○咸曰俠與扶同持也介衛也言高帝為沛公時而夏侯嬰灌嬰

樊噲鄼商皆已從之為持衛也。○祕曰滕公夏侯嬰灌嬰樊噲鄼商皆俠剛介之士易曰介如石焉。○光曰介也。助叔孫通曰繫人也。叔孫通秦博士避二世之亂遇高

見事敏疾。○祕曰叔孫逎采古禮與秦儀雜著漢儀簡牘之人也。繫猶牘也。說文曰牘璞也。西京雜記曰子雲

好事常懷鉛提繫。○光曰袁盎曰忠不足而談有餘。說

繫才敢切庶七艷三切闕。帝斬晁錯以謝七國實挾私怨而不為國。○祕曰袁盎諧誅晁錯忠不足也。諫遷淮南王而談有餘也。晁

錯曰愚。畫策削諸侯王七國既反令盎得行其說智而

之彊不奉辭伐罪而請削乃為袁盎之所中而不能預

言古之愚也。晁錯有焉。○光曰音義曰天復本愚作由忠今從諸家錯知諸侯太彊必為亂故削之而七國尋反身死東井不若主父偃從諸侯所欲分國邑侯子

弟而諸侯自弱也故以錯為愚酷吏曰虎哉虎哉角而翼也邳都寧戚張湯杜周

之徒○咸曰韓詩外傳云無為虎傳翼將飛入邑擇人而食此以酷吏猶虎而角翼者言暴之甚也○先曰不

仁之人而得勢位如虎之得角翼貨殖曰蚊咸曰孔子云賜不受命而貨殖焉又曰求也為之聚

歛是則貨殖聚歛聖人之所疾也漢書稱揚子不汲汲於富貴不戚戚於貧賤家無甔石之儲晏如也今或人

問貨殖故荅之曰蚊亦疾之甚焉夫蚊之為蟲咬人而求生可鄙惡者也貨殖之徒兼井聚歛非義是存亦所

謂嗾人而求生矣○祕曰貨殖之曰血國三千使將疏人折毫顧利微而食人其猶蚊乎

飲水褐博沒齒然也咸曰揚旣以蚊貶貨殖或以是言難之也云天下之民有骨血者三

千國非貨殖則將使其飯蔬食飲水被褐終年而已乎言衣食僅給而不能富庶也今下無荅文者蓋揚鄙其

不諭教而強見難故不對之也三千國者昔禹會塗山
執五帛者萬國於商周之世已漸并之矣故至漢但可
三千而已舉大較也褐博者孟子云褐寬博謂獨夫之
被褐者沒終也齒年也○祕曰揚恐未諭故再釋之曰
貨殖之心若蚊自務輕飽而血視三千之國使將䟽飯
飲水衣褐博之衣沒其年齒而後已也齒齡也按周一
千八百國而漢郡國一百三縣邑千三百一十四云三
千者蓋貨殖之人倍取於國且言其多歟○光曰李本
作沒齒無愁也今從宋吳本蚊下曰衍字褐毛布也褐
博以褐為寬博之衣也三千言其衆也言貨殖如蚊瞋
民之血使之皆貧
或問循吏曰吏也鄭子產公儀休孫叔敖之徒○咸曰

言如是者始
可謂之吏也
游俠曰竊國靈也靈命也朱亥田仲郭解劇孟原涉之徒○咸曰

荀悅士立氣勢作威福結私交以立彊於國者謂之游
俠此云竊國靈蓋言竊行國之威靈以為之彊○祕曰

靈福也遷載游俠竊國之威靈為已之私義者也○光曰國之所以能為國者以在上者執號令御其下如人

之有神靈也

佞幸曰不料而已

籍儒鄧通周文仁韓王孫李延年之徒○咸曰料度也夫

佞幸者日以寵進位非才升遇乎城社卒蹈機穽亦不度者也○光曰不自料其才德不稱其寵祿而貪竊之

以取禍敗此皆論太史公書所載

或問近世社稷之臣曰若張子房之

智

用行舍藏功成身退

陳平之無悞

內明其畫外無違悞○祕曰所舉必行無謬悞○光曰李

本悞作悟今從宋吳本悞與忤同

絳侯勃之果

祕曰誅諸呂立代王果於大事

霍將軍

之勇

祕曰光推燕上官之鋒處興廢之分而不懼

終之以禮樂則可謂社稷

之臣矣

此數公遭漢初定倉卒之際則權應當時苟以救世不能與稷契伊周同風末終先王之禮樂

○祕曰言此數公既立功之後以禮樂自終則社稷臣矣○先曰言雖兼數公之才業不能修禮樂以成治平之化亦未足謂之社稷之臣也

或問公孫弘董仲舒孰邇

欲知此二人用心誰近聖

人之道○祕曰誰近社稷之臣

曰仲舒欲為而不可得弘容而已矣

利

安身○祕曰仲舒欲施禮樂之事而武帝外之故不可得也禮樂志曰時上方征討四夷銳志武功不暇留意禮文之事又曰未有立禮成樂此賈誼仲舒王吉劉向之徒所為發憤而增歎也弘嘗與公卿約議至上前皆背其約以順上旨是取客而已何暇禮樂哉

或問近世名卿曰若張廷尉之

平

張釋之惟存公平無阿於意○咸曰釋之為廷尉天下無冤民其所謂平矣○祕曰張釋之為廷尉不族

盜宗廟御物者執法之平也贊曰張釋之之守法

雋京兆之見

雋不疑當昭帝時有人自稱亡

衛太子百官莫如其所不疑後至取而尹扶風之繫尹翁歸清廉有節

不避滋垢王子貢之介王子貢名尊成帝時人治任公正誅鋤豪彊不避貴戚

斯名卿矣將既聞名卿曰若條侯之守咸曰周亞夫也

光口壁昌邑不救梁以次問名將長平冠軍之征伐祕曰長平侯

霍去病俱征伐匈奴立功博陸之持重祕曰博陸侯霍光贊曰臨大

可謂名將矣請問古欲知古曰鼓之以道德咸曰猶

而有節格祕曰以道勝者帝以德勝者王征之以仁

義咸曰猶常武所謂既敬既戒惠此南國○祕曰輿尸

改定四庫全書
揚子法言
十三

血刃皆所不為也張騫蘇武之奉使也執節沒身不屈

王命雖古之庸使其猶劣諸

膚美也○咸曰張騫嘗使月氏道經匈奴中來往兩

為匈奴所得留騫十餘歲然騫持漢節不失後亡歸初
騫行時百餘人去十三歲惟二人得還蘇武嘗使匈奴
中單于說武令降武不聽單于怒幽武與大窖中絕不
與食人徙武北海無人處使牧羝武既至海上杖漢
節牧羊卧起持節旄盡落留匈奴凡十九年至昭帝
即位匈奴與漢和親漢求武得歸故二人雖古之美使
所不及矣○光曰沒身者久留匈奴不顧其死世稱東方生之盛也言不純師

行不純表其流風遺書蔑如也

咸曰揚鄙朔之為政所以自發論也表則也蔑

絕也謂朔之言行不純一於聖人之師則如詼諧射覆
隱語之類也故宗聖之風立教之書絕而不傳今觀朔

嘗上書陳農戰強國之計數萬言又有封太山賞和氏璧及皇太子生裸屏風平樂觀賦諸篇頗存蓋子雲惡其雜而不取之也○祕曰顧師古曰言辭義淺薄不足稱也○光曰朔言行駁難所師表者不能純壹其流風遺書皆蔑然

或曰隱者也

咸曰或見揚之短朔故問以無足觀也為世稱朔吏隱者也○光曰

宋吳本或曰作

或問今從李本曰昔之隱者吾聞其語矣又聞其行矣

昔之隱者文王拘於羑里而重易六爻箕子隱於殷朝而為周陳洪範接輿之在楚而歌鳳兮○咸曰吾聞其語又聞其行者如夫子所謂作者七人之義也言隱道當如此七人者○祕曰聞其聖賢之言行○光曰言皆

不**或曰隱道多端**

咸曰或言隱之道多端如朔者亦其一也

曰固也

咸曰固實也言

隱道實多端

故陳之于下**聖言聖行不逢其時聖人隱也**

咸曰仲尼亦然○祕

曰易曰龍德而隱者也。不易乎世，不成乎名，遯世无悶，不見是而無悶，樂則行之，憂則危之，其聖人隱也。賢

言賢行不逢其時，賢者隱也。

咸曰：孟軻亦然。○祕曰：捨之則蔽。○光曰：考其言行。

之素皆聖賢也，以不逢其時故隱以避害耳。

談言談行不逢其時，談者隱也。

咸曰：子貢仲連亦然。○祕曰：有文而不遇者，儒行曰：言談者，仁之文也。○光曰：朔談者耳，不遇戰國縱橫之時，故依隱玩世，不足貴也。

昔者箕子之漆其身也，狂接輿之被其髮

也，欲去而恐羅害者也。箕子之洪範接輿之歌鳳也哉。

咸曰：彼之隱者，猶為行道立教而干於時，如楚狂箕子去而隱以避害言隱，雖有此數端而朔不可以及是。○祕曰：此皆多端也。箕子為之奴，孔子曰：殷有三仁焉，而有聞著乎洪範，接輿佯狂，孔子下欲與之言，而有聞著。

乎歌鳳是皆多端之甚者而其道純正羅一本作
離○光曰二子皆晦迹以避害遇聖人則自顯
或問

東方生名過實者何也咸曰言朔既不及此
曰應諧不

窮正諫穢德由此四應諧似優似倡優○咸曰應諧謂

倡郭舍人隱語者不窮似哲咸曰問則輒應如射覆見微者○

○光曰吳本哲作智今從李宋本正諫似直咸曰蓋諫上林斥董偃請

察顏色直言穢德似隱祕曰懷肉汙衣歲請問名曰談

達惡比欲知誰比○祕曰朔之名也談也達也何為倫

吳本作請問名談達今從李本音義引漢書朔談達多
端不名一行或問朔所為當何以名之揚子謂朔談諧

敏達之人
耳惡音烏

曰非夷齊而是柳下惠戒其子以尚容首陽

為拙柱下為工飽食安坐以仕易農依隱玩世詭時不

逢其滑稽之雄乎

非夷齊是柳下惠戒其子以尚同依

之雄者也。咸曰言朔非夷曠而尚取容依約其隱玩
弄於世但滑稽之雄者而已何所比哉。○光曰李宋吳
本皆云非夷尚容依隱玩世其滑稽之雄乎按漢書具
載揚子之言恐諸家脫誤也今從漢書滑稽音骨言朔依

託隱者以玩侮世人以詭譎欺時人
不逢逢取禍也滑稽多智員曲之貌

或問柳下惠非朝

隱者歟

此問發於東方朔也。咸曰或以揚之短朔疑
朔與惠同道故舉之為請。○秘曰朔既非隱則

柳下惠降志辱身言中倫行中慮
豈非朝隱者也。○光曰朝直遙切

曰君子謂之不恭古

者高餓顯下祿隱

孟子曰伯夷隘柳下惠不恭君子不由也然則餓顯不獨高祿隱未為下

今發高下之談蓋有厲乎素餐○咸曰揚以或人用荆比惠故舉孟軻不恭之言以非柳下惠又以夷惠隘不

恭二者雖皆不可然推而取之寧以伯夷餓顯為高終以柳下惠祿隱為下故曰古者高餓顯下祿隱猶奢寧

儉易寧戚之義爾亦所以短朔也○光曰餓顯謂夷齊餓于首陽之下民列于今稱之妄譽仁之

賊也妄毀義之賊也

光曰譽音余下同仁以褒善義以貶惡而妄以毀譽加人是賊傷仁

義者賊仁近鄉原賊義近鄉訕

同乎流俗合乎汙世衆皆說之以為是而不可

與入堯舜之道者德之賊也孔子惡似而非者孟軻論之備矣○光曰鄉原謂所至之鄉徇衆隨俗求媚於人

者鄉訕謂所至之鄉喜造謗訕使人畏其口者

或問子蜀人也請人

祕曰問曰

有李仲元者人也

蜀有嚴君平然君早已顯仲元未聞

見秦宓傳○光曰人者蜀之賢人也仲元事見常璩華陽國志尤詳

其為人也奈何

咸曰奈何

猶曰如何

曰不屈其意不累其身

光曰累良偽切不以爵位屈其意祿利累其身

曰

是夷惠之徒歟曰不夷不惠可否之間也

隨時之義治亂若鳳○光

曰有清和之美而無隘與不恭之失從衆而不害於義則可害於義則否

如是則奚名之不

彰也曰無仲尼則西山之餓夫與東國之絀臣惡乎聞

餓夫夷齊絀臣柳下惠也○咸曰東國魯也左傳云下展禽即柳下惠也言夷惠得仲尼譽之名始聞○光曰

絀與黜同是音烏

曰王陽貢禹遇仲尼乎

咸曰王吉字子陽事宣帝為諫議大夫貢

禹字少翁二人為友世稱王陽在位貢禹彈冠言其取捨同也元帝即位遣使徵貢禹與吉吉年老道病卒禹後為御史大夫此言李仲元不遇仲尼則名不彰而王陽貢禹之顯豈遇仲尼乎○光曰言王貢力學絜已而名著海內豈必遇仲尼曰明星皓皓華藻之力也歟星雖皓皓有自顯耀也要須著天而後天下見之○光曰言星之明非藻飾所能致以其居高故為人所瞻仰王貢之名所以彰著有位於朝故也曰若是則奚為不自高元何不仕曰皓皓

者已也引而高之者天也

星著天而後天下見王陽貢禹時主所揚而後名顯也仲

元雖有賢德而時不為之故不彰

子欲自高邪

君子行德俟命而已○祕曰仲元之不見

察舉猶如或人豈能自達哉

仲元世之師也見其貌者肅如也

咸曰貌端

故見者肅然敬

聞其言者愀如也

咸曰言正故聞者愀然謹。光曰愀親小在九二加愀然。

變動貌

觀其行者穆如也

咸曰行溫和觀者穆然和

但聞以德詘人矣

咸曰詘人者使人而從已德也。光曰李本但作躡音義曰古躡但通用今從宋吳本

未聞以德

詘於人也

咸曰詘於人者以已德而從人也。光曰言仲元德能服人而未嘗屈節

仲元畏

人也

言可畏敬。咸曰言使人心服而畏之。秘曰人所畏服

或曰育賁

言夏育孟賁亦使人

畏。秘曰夏育孟賁皆衛人言其勇力亦人所畏也。光曰賁音奔下同

曰育賁也人畏其

力而侮其德

咸曰非心服之畏

請條

問其目也。秘曰條目

曰非正不視非

正不聽非正不言非正不行夫能正其視聽言行者昔

吾先師之所畏也

所畏謂言不慚行不耻孔子憚焉。○祕曰孔子之所畏憚之。

如視

不視聽不聽言不言行不行雖有育貢其猶侮諸

揚子法言卷八

欽定四庫全書

揚子法言卷九

晉李軌 唐柳宗元 註

宋 宋咸吳秘司馬光 重添註

君子篇

咸曰以淵騫道亞諸聖自非君子曷克然故次之淵騫

君子純終領聞

純善也領令也聞名也言善於終而有令名也○秘曰君子之道純而終之受

其令聞○先曰領卽定切聞音問君子既樂善以終又有令名聞於後世者以立言不朽故也

蠡迪檢

押

蠡動也迪道也檢押猶隱括也言動則由於檢押○咸曰迪當訓為蹈履之蹈檢押猶法度也言動必履

蹈於法度○光曰檢押
當作檢押押戶夾切

旁開聖則

秘曰則法則也○光曰開通也君子立言

旁通聖人之法

誤君子秘曰君子小人在人所為而已擇而行之區品彰矣○光曰論立言之是非

或問君子言則成文動則成德何以也

咸曰問君子何以能然曰

以其弼中而彪外也

弼滿也彪文也積行內滿文辭外發○光曰弼普耕薄萌二切學成

道充言動皆美

般之揮斤羿之激矢君子不言言必有中也不

行行必有稱也

咸曰般羿之斤矢精之至也○秘曰般輸之揮斤后羿

之激矢猶如君子之言行素習於內發中繩準○光曰般音班中丁仲切稱尺證切稱者得事之宜

或問

君子之柔剛曰君子於仁也柔於義也剛

仁愛大德故柔屈其心節

義大業故剛厲其志○祕曰木性則仁故柔或問航不

金性則義故剛○光曰柔於愛人剛於去惡

漿衝不齊有諸

樓航不挹漿曰有之或曰大器固不周

於小乎

光曰言有大志者不顧小節

曰斯械也君子不械

械器也航衝之器無

所不施○咸曰君子之道惟變所適航衝之器主一而

用注謂航衝無所不施反矣○光曰器械適於一用君

子明道無施不可或問孟子知言之要知德之與曰非苟知之

亦允蹈之

咸曰允信也蹈行也言孟子於要言與德非惟苟且而知之亦能信而行之

或曰

子小諸子孟子非諸子乎曰諸子者以其知異於孔子

者也

祕曰知所知之道○光曰以其小知立異於孔子之道

孟子異乎不異

道同仲尼

欽定四庫全書

卷九

也。或曰荀卿非數家之書倪也。彈駁數家倪合於教。○

從李本音義曰至于子思孟軻詭哉。譏此則平說。○咸

倪倪括切可也子之孫孟軻之師也。荀子有非十二子之言亦然。非子

思孟軻此言非它數家則偶脫可矣。至于非軻倪則邪

詭也。○杜曰荀卿非十二子若惠施鄒析之徒則脫異

聖人之道已至于子思孟軻不異者也是荀卿之詭說

也。曰吾於荀卿歟見同門而異戶也。同出一門而異其

車說。○光曰言荀卿亦述孔惟聖人為不異。前聖後聖

子之道而所見不能無小異牛玄駢白晬而角其升諸廟乎是以君子全

人同仁義德色純曰晬。○咸曰宗廟之牛貴純毛如黑赤白三色

各純粹粹而角握中禮則可升諸廟矣所以君子亦貴

純全其德今荀卿學聖人之道而非孔孟亦不粹矣○
秘曰韓吏部曰大醇小疵此之謂歟○先曰宋吳本牛

玄醉白作玄牛醉白醉作
醉今從李本醉與粹同

或問君子似玉曰純淪溫潤

柔而堅玩而廉隊乎其不可形也

君子於玉比德焉禮
記論玉備矣○咸曰

隊衆也言玉之德衆乎不可盡形容之○秘曰淪猶澤
也玩猶珍也廉殺也隊乎猶言垂之如隊其惟以德不
可形狀○先曰玩當作刮音完謂廉而
不劇隊貞類切隊與墜同謂垂之如墜

或問仲尼之術

周而不泰大而不小用之猶牛鼠也

使牛捕鼠雖大無
施○先曰周而不

泰謂禮儀周
備而無閑泰

曰仲尼之道猶四瀆也經營中國終入大

海

秘曰爾雅曰江河淮濟為四
瀆四瀆者發源注海者也

它人之道者西北之流

欽定四庫全書

揚子法言

也綱紀夷貉或入于沱或淪于漢

秘曰西北之流水經夷貉而不返或向東

者亦入沱漢而已言其異而小也書曰嶠冢導漢東流為漢又曰岷山導江東別為沱孔云沱東行○光曰言

諸子之道雖時有小用而非順正不可以致遠

淮南說之用不如太史公之用

也太史公聖人將有取焉

實錄不隱故可採擇○咸曰司馬遷雖離尚有禮樂儒學

之說於聖人之道可取而用之於劉安溺異端之痼者也故曰鮮取焉○光曰今之所以知古後之所以知先

史不淮南鮮取焉爾

浮辭虛妄不可承信○秘曰太史公實錄猶如魯史舊文聖人將有

取焉以正褒貶淮南劉安之書雜而不典少有可採○光曰鮮息淺加空言雖辭博而駁難迂誕可取者少

必也儒乎

光曰聖道於是乎在

乍出乍入淮南也

或出經或入經○秘曰必也以

儒為名乎內篇論道外篇雜說乍出乍入雜而不純者也

文麗用寡長卿也

咸曰司馬相如

文賦雖麗施用則少○祕曰相如文雖麗而寡於用

多愛不忍子長也

史記敘事但美其長

不貶其短故曰多愛○咸曰遷之學不專純於聖人之

道至於滑稽曰者貨殖遊俠九流之技皆多愛而取不

思棄之○祕曰不可以垂世立教者

司馬遷皆叙而錄之是多愛不忍也仲尼多愛愛義也

光曰仲尼稱管仲為仁史魚為直蘧伯玉為君子之類亦多愛

或曰

子長多愛愛奇也

咸曰非經謂之傳或人既聞揚子上論淮南子長之言愛奇而雜故

因歌之而為問也言甚矣彼傳記之書不果純於聖人之道也○祕曰古者詩三千餘篇孔子刪定取止乎禮

義者三百一十一篇而已是愛義也子長史記至於滑稽曰者刺客貨殖之類皆不忍去是愛奇也或人曰甚

矣淮南子長之傳言不果全於聖人之道也

曰不果則不果矣

苟非所能自可耳○咸曰

言今人之不果純於聖人之道者尚可導而果之如淮南子長皆已沒矣其書皆已行矣安可道而果之哉誠為不果純矣○祕曰內人以巫鼓巫鼓猶妄說也妄說不果純文亦不果道矣傷義甚於不言一日巫鼓之傳奚徒不果而已乃復奇談誕以自大假不學為高通故揚子既吐觸情之談又發巫鼓之義○咸曰夫巫左道者也言彼之書非徒不果純於聖人之道而已今大行於世復使人學之得其雜說如左道之巫以鼓動其事惑夫衆者也如淮南游仙化金之說鼓動末俗使其學之非左道而何也○光曰音義曰天復本人作又

並闕

或問聖人之言炳若丹青有諸曰吁是何言歟

吁者

嘆之辭

丹青初則炳久則渝渝乎哉

丹青初則炳然久則渝變聖人之言久而

蓋明

或曰聖人之道若天天則有常矣奚聖人之多變也

成曰言五經支離萬事錯綜○祕曰天有一
定之高有常也聖人無可無不可多變也曰聖人固

多變

天縱之也○光曰聖人志道乘常隨
時應物如天之陰陽五行變化無窮子游子夏得

其書矣未得其所以書也宰我子貢得其言矣未得其

所以言也顏淵閔子得其行矣未得其所以行也

聖人以妙

外往諸賢以方中來○祕曰通之者聖也習之者賢也

○光曰行下孟加下同六子皆學於孔子而未達其本

原故雖各有所得聖人之書言行天也天其少變乎

所以

應無方也○咸曰此論六子猶孟軻所謂子張子游子
夏得聖人之一體顏閔具體而微之謂也夫天多變然

後有成聖多變然後有倫天變隱於萬化而難知故曰
天則有常聖變布於五經而可見故曰聖人固多變○
祕曰夫天之高也及其變則二氣推移四時更迭三辰
運行萬物生瘁不為少也○光曰言天之變化亦多也

或曰聖人自恣歟何言之多端也

祕曰或人聞多變之語不達其歸趣恐聖

人率意而言故云多端○光曰謂問同答異理或相違

曰子未觀禹之行水歟一

東一北行之無礙也君子之行獨無礙乎如何直往也

祕曰時有可否礙也

水避礙則通于海君子避礙則通于理

咸曰高者

水之礙故避之則流雜者聖之礙故避之則行○祕曰隨時制宜不失其正理則通矣

君子好人

之好

嘉其善也

而忘己之好

若不足也

小人好己之好

我名而不自知

而

忘人之好

物物而不識彼

或曰子於天下則誰與

秘曰與何等

許也

曰與夫進者乎或曰貪夫位也慕夫祿也何其與曰

此貪也非進也夫進也者進於道慕於德殷之以仁義

進而進

秘曰禮

退而退

秘曰義

日孳孳而不知勸者也

光曰勸與倦同殷中也退而退當作退而進言不以

祿位之進退務進於道德而已故下文云請問退進

曰進退則聞命矣請問退進曰昔乎顏淵以退為進

後名

而名天下鮮儷焉

秘曰人不堪其憂回也不改其樂終

先也有其偶○光曰鮮息淺切儷音麗顏回在陋巷不苟仕好學不倦是以退為進或曰若此則何

小於必退也

祕曰若然則必退於道者何故小之○光曰揚子謂聖人不適於世不離於羣是小

必曰必進易儷也必退易儷也

必苟也苟進則貪祿利苟退則慕偽名也○祕

曰輕於進退者衆

進以禮退以義難儷也

進退不失其正者君子也○咸曰猶仲尼

之於魯也用之則攝相事而輔夾谷淫女樂廢臆

或曰

人有齊死生同貧富等貴賤何如

懼者畏義也此章有似駁莊子莊子之言

遠有其旨不統其遠旨者遂往而不反所以辨之思各統其所言之旨而兩忘其言則得其意也○祕曰人有

如莊生之齊物者何如○光曰莊列之論如是

曰作此者其有懼乎

祕曰非聖人者無法

懼有誅戮之責作此齊物之論然後以夷曠為妙達曰道家流當然也禮曰行偽而堅言偽而辯學非而博順

非而澤以疑衆殺。○光曰懼謂有
憂患不可避故作此論以自寬

信死生齊貧富同貴

賤等則吾以聖人為囂囂

秘曰夫死生異理貧富殊塗貴賤差等較然之義也而莊

子託以道家遂以係在遠去忘言得意稱其齊一而好之者無不甘心焉是虛華之大者若信是言則吾以聖人六經之旨為囂囂之虛語耳。○光曰囂許驕切人好生惡死苦貧樂富更貴輕賤乃其常情聖人因之以設勸沮立政教若信然齊等則聖人號令典謨徒囂囂然煩言耳

通天地人曰儒

道業深與○秘

曰陰陽剛柔仁義之道始於太極成乎五行主於五神運於六子管於聖人是謂通之其名曰儒

通天

地而不通人曰伎

伎藝偏能○秘曰知天地之變陰陽之數而不知其所以變所以數是不

通於聖人之旨若

人必先作然後人名之先求然後人

與之

人理云云萬物動靜無不由我以明彼者○祕曰若求仁而得仁○光曰作為善惡而人以善惡名

之自求禍福而人以禍福與之

人必其自愛也然後人愛諸

咸曰言先自愛於人

而人亦愛之

人必其自敬也然後人敬諸

咸曰言先自敬於人而人亦敬之

自愛仁之至也

祕曰韓吏部曰博愛之謂仁

自敬禮之至也

祕曰曲禮曰毋

敬未有不愛敬而人愛敬之者也

祕曰未有不愛敬於人而人愛敬

於己者也○光曰敦仁所以自愛也隆禮所以自敬也

或問龍龜鴻鵠不亦壽乎

曰壽曰人可壽乎曰物以其性人以其仁

物性之壽其質生存延年

長也仁者之壽死而不亡名無窮也○咸曰故顏氏之少年雖夭而仁不能窮之也○光曰龍龜鴻鵠性自壽

耳人則為仁然後能保其壽孔子曰仁者壽

或問人言仙者有諸乎

秘曰秦皇漢武

俱欲求之故問焉

曰吁吾聞伏羲神農歿黃帝堯舜殂落而死

文王畢孔子魯城之北

秘曰魯城之北孔子葬所也言伏羲至孔子並聖人皆死爾○

光曰文王葬於畢孔子葬於魯城之北

獨子愛其死乎非人之所及也仙

亦無益子之彙矣

秘曰彙類也仙者皆有虛名而無益於事實者也○光曰借使有仙亦如

龍龜等非人類所能學也

或曰聖人不師仙厥術異也聖人之於天

下耻一物之不知仙人之於天下耻一日之不生

光曰言聖

人所以不學仙者道不同故也聖人務多知仙人務長生

曰生乎生乎名生而實死

也咸曰名惡名也實善實也言今之為仙者惡名存也善賢死也如始皇孝武至今為天下笑非惡存而善

死者乎○祕曰神仙者謂之羽化蟬蛻而升天是名生也其實則降年盡而死耳故曰實死○光曰安期萊門

徒有其名而人未嘗見實死也或曰世無仙則焉得斯語曰語乎者非

器器也歟惟器器能使無為有咸曰仙本無也而虛生之徒以為有非器器不

遲者孰能○祕曰器器然方士之虛語爾器器之多則能使無為有也○光曰多言之人喜妄說或問

仙之實曰無以為也咸曰言無以為其實有與無非問

也咸曰謂之有謂之無皆不當問○祕曰天地之間本無此理無而問有有而問無皆非問也問也

者忠孝之問也言惟問忠與孝之事耳○祕曰忠孝者修身之本忠臣孝子皇

乎不惶

惶暇○咸曰忠臣嘗嘗於事若孝子汲汲於事親何暇其仙乎○祕曰惶暇忠孝之人何暇問

無益之事乎○光曰惶音皇

或問壽可益乎曰德

光曰惟修德可以益壽

曰回

牛之行德矣曷壽之不益也

咸曰言顏回冉伯牛德而何不壽

曰德故

爾

咸曰庸以長生為壽聖以不朽為壽顏冉有德故不朽爾

如回之殘牛之賊也焉

德爾

言復甚也○咸曰言假令顏行之殘冉行之賊則安得不朽之壽如是哉○光曰顏冉之命自短耳

若加之殘賊則斯命亦不能保也

曰殘賊或壽曰彼妄也君子不妄

論語

曰人之生也直罔之生也幸而免揚子之說亦猶此義○咸曰禮云庶人曰死死斯盡也死則盡無所聞矣如殘賊者安得不朽哉彼言不朽者乃欺妄也彼問亦以長生為壽揚對終以不朽為壽○祕曰殘賊之人妄生

於世爾豈有不朽之壽哉君子不妄生者也○
光曰君子修德以俟命不為殘賊而冀得妄壽

必有死有始者必有終自然之道也

因論神仙之事遂至原始要終以盡

死生之說也○秘曰夫春生則秋殺陽始而陰終亦猶人也豈有使之然哉自然之道也○光曰天常春而不

秋日常朝而不暮則人長生而不死矣

君子忠人況已乎小人欺已況人

乎夫至人其猶先存諸已而後存諸人者言乎其真然後可以訓物况乃其身之不論又安能諭諸人哉

○光曰盡誠

於人曰忠

揚子法言卷九

欽定四庫全書

揚子法言卷十

晉李軌 唐柳宗元 註

宋 宋咸吳祕司馬光 重添註

孝至篇

咸曰人道之大莫大乎孝孝道之全莫全於終故啓之手足沒且誠焉豈易量哉法言始於學

而終於孝理亦粹矣

孝莫大於寧親寧親莫大於寧神寧神莫大於四表之

歡心

言尊祖考安神靈故先王以孝治天下也○祕曰寧神奉宗廟也大孝始於寧親終於天下之歡心

其道甚大。○光曰：神者祖。

謨孝至

祕曰：夫學所以開明也。故為其始孝，所以

報本也。故為其終，動天地，感鬼神者，莫速於孝乎。○光曰：論孝及至德，因叙漢室之盛。

孝至矣

將欲言其義，所以歎其至。○祕曰：先王之至德。

一言而談

光曰：至德要道，無所不談。

聖人不如焉

一言而孝，燕談百行。聖人無以加之，是至德也。○祕曰：談備也。○光曰：聖人之德無

以加**父母子之天地歟**

天懸象地載形，父受氣母化成。

無天何生，無地

何形，天地裕於萬物，萬物裕於天地

裕足也。言萬物取足於天地，天地不

取足於萬物也。○咸曰：正文當云：萬物非裕於天地，疑脫去非字。裕，饒裕也。天地生萬物，非冀其報，故能饒裕於萬物，而萬物不能饒裕於天地也。○光曰：裕，謂饒益優厚也。揚子設為疑問，以明天地則能裕萬物，萬物豈

能裕天

裕父母之裕不裕矣

養父母自以為足者乃不足也。咸曰父母雖為子

之天地然俟其報與天地異也故親以生育之恩饒裕其子則子也以孝養之德饒裕於親若夫但樂生育之裕不能全孝養之裕則不為裕矣故曰裕父母之裕不裕矣以別萬物之於天地也。○祕曰父母有餘裕於其子其子豈能裕父母哉以父母之裕而裕其父母不為裕矣是父母裕於子也常有餘子孝於父母也常不足

○光曰欲報之德昊天罔極

事父母自知不足者其舜乎

自知不足則是舜。○

咸曰舜所以愈裕而不自充足者懼夫失所以孝養之裕也

不可得而久者事親之

謂也

祕曰父母之年不可不知

孝子愛日

無須臾懈於心。○祕曰其心無懈。○光曰木欲靜而

風不止子欲養而親不逮故孝子養親惟日不足

孝子有祭乎有齋乎

祭嚴齋敬孝子

欽定四庫全書

人

揚子法言

二

之事。○光曰：言齋重於祭。

夫能存亡形屬荒絕者，惟齋乎。

亡形復存，荒絕復屬。

者謂祭如在。○光曰：屬之欲切，謂齋之日。

故孝子之於齋，見父母之存也。

祕曰：見其居處語笑所樂所嗜，謂思而見之。

是以祭不賓。

夫齋者，交神明之至，故致齋三日，乃

見其所為齋者，禮記論之備矣。而發斯談者，有慨乎時也。○咸曰：祭不賓者，孝子盡精極思而存夫親，何暇乎賓之接也。○祕曰：專乎所親。○光曰：賓謂敬多而親少，如待賓客。人而不祭，豺獾乎？九月

豺祭獸，正月獾祭魚，豺獾猶有所先，人而不祭，豺獾之不若也。

或曰：死生盡禮，可謂能

子乎？

生事愛敬，死事哀戚。○祕曰：問今世湏死生盡禮，方可謂能子乎。○光曰：此問答不類，疑下有脫文。

曰：石奮石建父子之美也。無是父，無是子，無是子，無是

父

祕曰萬石君石奮少子建皆以剛孝行謹官至二千石○光曰言父子孝謹相成

或曰必也

兩乎

祕曰言人必須父子孝謹方為美乎

曰與堯無子舜無父不如堯父

舜子也

○必不得雙於斯二者當如充之為父舜之為子咸曰子雲方論孝至而遽以萬石君父子與

堯舜較短長得非傷君臣之道輕孝至之禮乎曰子雲之心蓋所以重孝至而謹君臣之道者也何哉天下之重莫大乎孝未有天子而無父也故自天子至于庶人其禮雖異而其為孝一也夫孝君行之於上而臣行之於下則四海莫不孝矣四海皆孝則忠臣得矣故曰求忠臣於孝子之門由是言之子雲所以重孝至而謹君臣亦明矣有旨哉子雲也學者辨之○祕曰與堯之無子舜之無父不若使充為父而舜為子不必兩也充子母朱不肖舜父瞽瞍頑雖有如無○光曰父子俱聖尤美

子有含菽縕絮而致滋美

其親將以求孝也人曰偽如之何

曰言人自含食也○咸

菽緇被絮而能致滋甘之味美麗之服於其親思以為孝或非之以為偽何如也○光曰緇於孟切含菽菲食

緇絮曰假儒衣書服而讀之三月不歸孰曰非儒也

咸曰

言設有人假儒衣書服而讀之三月不輟而歸誰曰非乎言亦可以為儒也如彼之自薄而厚於親儻乎不輟則亦可為孝矣三月者時一變也天時且變而已不變是可為儒矣○祕曰已欲孝斯孝矣已欲儒斯儒矣誰其非之○光曰服儒衣讀儒書經時不輟斯亦儒矣或曰何以處偽咸曰問何以見其偽者○祕曰為之則曰有人則作之無人則輟之之謂偽咸曰禮云道不可斯須離其身可離非道也所以君子慎其獨矣故有人則修而作之無人則輟而止之非偽而何君子

之觀人者審其作輟而已矣視其所以觀其所由人焉廋哉不為名之

名其至矣

太上以德自然之美非至而何○

為名之名其

次也

力行近仁斯亦次矣○

或問

忠言嘉謨曰言合稷契之謂忠謨合臯陶之謂嘉

光曰言不

以聖人之正道佐其君者皆非忠嘉

或曰邵如之何

咸曰邵猶繼也言欲繼稷契臯陶者如之

何而可○祕曰邵高也欲高之則如之何

曰亦勗之而

已

勗勉○咸曰言欲繼稷契臯陶者當勗勉其道而已

庠則秦儀歎斯亦忠嘉矣

庠下也此所以微言貶乎漢臣而為王莽之將相者○

祕曰勗勉也庠下也言人欲自高則勉行而已如其庠

下而不能自勉則泰儀軌斯亦可謂之忠嘉矣蓋言其
自足也○光曰庠序婢若嫵論太高而卑之則陷入於

詛詐

充舜之道皇兮

秘曰皇美

夏殷周之道將兮

秘曰將大

而以

延其光兮

二帝三王光延至今○秘曰延其美大之光

或曰何謂也曰充舜

以其讓夏以其功

平水土也

殷周以其伐

聖德同而禪代異者隨時之義一也

此又寄言以明其旨焉五君應乎天順乎人王莽違乎人逆乎天○秘曰以是為美大之次○光曰皆盡美盡

善

或曰食如蠶

言精細也○光曰蠶與蟻同

衣如華

服文彩也

朱輪駟馬

光曰宋吳本於此有受天字今從李本

金朱煌煌無已泰乎

秘曰受天子之金朱煌煌

然無乃已泰乎○光曰謂富貴者如此無乃泰侈

曰由其德舜禹受天下不為

泰

言當理也

不由其德五兩之綸半通之銅亦泰矣

綸如青絲繩也

五兩之綸半通之銅皆有秩嗇夫之印綬印綬之微者也言不由其德而佩猶為泰矣况滔天乎○咸曰綸青絲綬也諸本註皆作青絲繩蓋傳寫誤也

○光曰綸古頑加又音倫李宋本通關

天下之通道

五所以行之者一

五謂仁義禮智信也

曰勉

勉勵○咸曰能一勉而修則五得之矣○

祕曰非勉則不復其性

或曰力有扛洪鼎揭華旗智德亦有之乎

咸曰言古有力者能扛鼎揭旗夫智德亦有能之乎○光曰揭渠列切

曰百人矣

此力百人便能

敵之德諧頑嚚

諧和也頑嚚舜父母

讓萬國

以禪禹也

知情天地

與天地合其德

知鬼神之情狀○咸曰知情天地者言知天地之情○光曰知與智同

形不測

光曰陰陽不測之謂

神惟聖人
能形容之

百人乎

人見其形而不能測其量非百人
倫也○咸曰此子雲黜力而尚德者

也○祕曰知天地之情其
形不可測豈百人可敵乎

或問君曰明光問臣曰若禔

祕曰若順禔宜讀如娒爾雅曰娒娒安
也○光曰禔是支切又杜奚切又音支

敢問何謂也曰

君子上則明而光其下在下則順而安其上

明而光
其下充

之為君也順而安其上舜之為臣也王莽之事漢則傾
覆其上篡位居攝則暴亂其下也○祕曰明而光其下

法天也順而安其上法地也○光曰
光謂能顯忠遂良安謂能順美救惡

或曰聖人事異乎

咸曰言聖人亦
以妖異為事乎

曰聖人德之為事

祕曰德盛
則無異

異亞之

曰祕

見異修德
者次之

故常修德者本也

咸曰猶堯舜常脩
其德何異之也

見異而

修德者末也

咸曰猶太戊武丁見異而後修非上德矣故為之末焉○祕曰失於常德災異乃見

修而讓之

本末不修而存者未之有也

感此之甚者必亡矣○咸曰猶

禁紂本末不修其亡忽焉○光曰災異應時君之德故以德為本異為末

天地之得斯民也

得養育之本故能資生斯民也○祕曰天地之大德曰生生斯民也易曰有天地然後有萬物有萬物然後有男女是人與萬物齊生而最靈者也班固曰夫人聰明精粹有生之最靈故曰得斯民

斯民之得

一人也

得資生之業是故係之一人也○咸曰言斯民之象在得一人而治之也○祕曰書曰惟天生

民有欲無主乃亂

一人之得心矣

一人之得統御天下者以百姓之心為心○咸曰言一人

之責在得民心而後能長久也故受有億兆萬人離德所以亡矣○祕曰五行志曰思心之不睿是謂不

聖又曰貌言視聽以心為主故一人之得心矣○光曰
天地因人而成功故天地之所以得其道者在民也民
之所以得其道者在君也君
吾聞諸傳秘曰傳記謂論語○光曰傳直

切老則戒之在得年彌高而德彌邵者咸曰邵美也○

老則不貪而有德彌高是孔子之徒歟王莽少則得師力行老則詐偽

纂奪故揚子寄或問德有始而無終與有終而無始也微言而歎慨焉

孰寧光曰宋吳本作有始而無終歟有終而無始歟音義曰天復本寧作愈今從李本孰寧寧為誰曰

寧先病而後瘳乎寧先瘳而後病乎病瘳之深故有先瘳之喻○秘曰德

寧有終也或問大曰小問遠曰邇未達曰天下為大治之在

道不亦小乎

道至微妙故曰小也。○祕曰一人有道而天下治故曰小謂寡治衆也。

四海

為遠治之在心不亦邇乎

祕曰一人之得心矣。

或問俊哲洪秀曰

知哲聖人之謂俊

深識聖義是俊傑也。○祕曰知哲於聖人之道俊哲也。

秀穎德

行之謂洪

禾之秀其穎猶人之洪其道也。禾秀穎則實結人崇道則德聞洪大。○祕曰秀穎於德行

洪秀也。○光曰知哲當為哲知言哲能知聖人之道不溺於異端智之俊者也。秀謂材秀能修德行使穎出於

衆秀之大者也。

君子動則擬諸事事則擬諸禮

事不來則不動動非禮則不擬

○咸曰擬或作疑非也。擬據也。言君子不妄其動乃據事而後動不偽其事乃據禮而後事。○祕曰疑成也。君子不妄動動則成於事事則成於禮擬一本作擬。○光曰吳本擬作疑今從李宋本擬度也。動則度其事之可

否事則度於禮為是為非或問羣言之長羣行之宗曰羣言之長德

言也

咸曰謂由德而言乃為羣言之長

羣行之宗德行也

咸曰謂由德而行乃為羣

行之

或問泰和

咸曰問太平和樂之道○光曰天下和平之至

曰其在唐虞成

周乎觀書及詩溫溫乎其和可知也

發號出令而民說之○咸曰言觀書

二典詩小大雅見唐虞成周之盛信泰和矣○光曰言千載之後觀其詩書猶溫溫然和樂況生其世乎周

康之時頌聲作乎下闕睢作乎上習治也

咸曰習積習也言由成王

來積習為治○秘曰習治習見治世之道

齊桓之時溫而春秋美邵陵習亂

也

縕亦亂也○咸曰齊桓公會諸侯于陘楚遣屈完如師以觀齊觀齊之盛因而求盟桓公退次召陵與之

盟以禮楚也。○祕曰：緼亦亂也。言齊桓之時，下陵上替，而春秋美郤陵之會，能服楚也。習亂亦謂習見亂世之

事。按僖公四年，楚屈完來盟于師，盟于郤陵。左傳無美之文，于雲據公羊而言也。

故習治則傷始

亂也。傷悼。○咸曰：太平之民，追歎舊亂。○祕曰：習見治世之事，親始亂，則傷之。始亂謂幽厲之時也。孔子曰：嗚呼哀哉！我觀周道，幽厲傷之。○光曰：先儒多以

為周道衰，詩人本諸

衽席調睢作故，揚子以為始亂。習

亂則好始治也。

好樂。○咸曰：久汚之俗，喜安少治。○祕曰：習見亂世之事，親始治，則好之。始治

謂郤陵之盟也。公羊傳曰：桓公救中國而攘夷狄，卒怙荆，以此為王者之事也。

漢德其可謂允

懷矣。

允信懷至。○祕曰：漢之有德，信能懷服遠人。○光曰：允謂信及四夷懷，謂遠人來服。

黃支之

南大夏之西，東謁北女來貢，其珍漢德，其可謂允懷矣。

世鮮焉

明此奕世之所致而莽一旦行詐以取之○秘曰言漢德之盛四夷來貢信能懷遠矣而歷世

少及焉此所以明漢興者天之本也黃支南蠻去合浦日南三萬里大夏西戎去中華一萬二千里東踰北女未詳或傳寫之誤當言北踰東女匈奴謂漢曰若鞮自曰呼韓邪後見漢帝為孝慕之故皆為若鞮宸帝建平四年高昧留若鞮單于上書願朝是也東夷有東女國西羌別種也西海有女國故云東女國○光曰鞮都奚切鮮悉淺切鞮蓋東夷國名女女國也

芒芒聖德遠人咸慕上也

芒芒大也○咸

曰猶唐虞之世○光曰李本芒芒作荒荒今從宋吳本芒謨皇切

武義璜璜兵征四方

次也

咸曰如商周之代○祕曰璜璜猶言煌煌也○以兵伐四夷者次也○光曰璜音黃

宗夷獬

夏蠡迪王人屈國喪師無次也

宗夷者四方羣夷也○咸曰獬亂也蠡迪猶陵

踐也王人王室之官言五霸六國然也○祕曰宗夷猶言夷族也蠢動也廸蹈也言四夷之族猾亂中夏動蹈我邊疆而犯王人又屈國喪師焉無禦戎之次也○光曰蠢動廸蹈也中國微弱四夷交侵騷動蹈陷天下之民辱國喪衆無次言最下也此

麟之儀儀鳳之師師其

至矣乎

咸曰言帝世泰和麟儀儀而馴鳳師師而多德之至也○祕曰泰和之百官皆如麟鳳之時儀

儀然有義師師然衆蓋其至也○光曰儀儀師師皆和整尚德之貌以喻德服四夷螭虎桓桓威多○咸曰桓桓嚴也言王

鷹隼戩戩

搜振急疾○咸

世以武勛禍亂嚴不失正

未至也

未合至德○咸曰言桓桓戩戩兵詐暴而欲殘

比之帝世泰和則皆未至也○

祕曰非泰和之百官皆如螭虎鷹隼之時桓桓武貌戩戩然鷙飛貌於其道未至也○光曰搜財于側板二切

相栢武貌以喻用兵威服遠方

或曰誦誦北夷

光曰誦翔拱切又音誦誦喧曉之貌

被

我純績

純繒績畫光曰績音會

帶我金犀

金犀金印犀劍飾

珍膳寧鋤

寧鋤鋤其

口也○歲曰言安然而饗珍膳

不亦享乎

嫺禮胡如此太盛也○祕曰誦誦夷象語貌北夷南單于

也被我純績之衣裳帶我金璽犀飾之劍常珍之膳以安然鋤其口不亦施饗禮之盛乎南單于呼韓邪願為蕃蔽而漢賜之冠帶衣裳黃金璽太官御食之類○光曰享當作亨亨猶泰也調宣帝以後單于朝服漢以繒絮衣食厚撫之

曰昔在高文武實為兵主今稽首來臣稱為北

藩是為宗廟之神社稷之靈也可不享乎

言如此不可不以盛禮待

之也○祕曰高祖圍乎平城文帝不雪憤辱之耻孝武更興邊略實為兵主矣至宣帝時呼韓邪來臣稱北藩

扞禦北虜蓋漢神靈之祐豈可不享之哉○光曰為兵主者謂高帝得天下之後文帝武帝承平之時兵所以

不得息者正以匈奴之故也今幸而得其臣服豈可不厚撫之使之離叛愛小費而就大惠乎龍堆以

西白龍堆也大漠以北鳥夷獸夷鳥夷獸夷者衣鳥獸皮毛郡勞王師漢

家不為也皆在荒服之外不為郡屬者也若使勞王師而郡縣之漢家不為也○光曰鳥夷獸夷言

其如鳥獸郡勞王師漢家仁明之主所不為朱厓之絕捐之之力也朱厓南海水中

郡元帝時背叛不臣議者勸徃征之賈捐之以為無異禽獸也棄之不足惜不擊不損威元帝聽之事在漢書

否則介鱗易我衣裳否不也言不然則介鱗之類易我衣裳之民也○光曰朱厓島夷故

云介君人者務在殷民阜財殷富明道信義光曰行義使民信之

致帝者之用

光曰極其事業

成天地之化使粒食之民

光曰粒食謂中

國之民

粢也晏也

粢文宗晏和柔○祕曰粢然明盛晏然安和

享于鬼神不亦

饗食乎

實受其福○祕曰民神之主也民之豐阜則神饗其祀也○光曰此言王者不應疲弊中國與遠夷

爭雄也

天道勞功

祕曰勞而成功○光曰勤勞然後有成功

或問勞功曰日一

日勞考載

日一日猶日日也考成也載歲也

曰功

周而後始以成其歲故曰功○光曰載事

也天運行不息是其勞也成造化之事是其功也

或曰君逸臣勞何天之勞

言於

人事則君逸臣勞也天為君四時行百物生以喻其勞也

曰於事則逸於道則勞

於事

則逸無功可名於道則勞運轉機衡○歲曰言人君之道各有其官已弟親之故於事則逸然修德不暇日愈

新之故於道則勞○祕曰生萬物也而天道則勞矣
以其運行不息也理萬事臣也而君道則勞矣以其修
省不暇也○光曰天則無為自然而萬物生成君則垂
衣端拱而百姓入安是其事逸也天則陰陽往來生生
日新君則求賢訪道一
日萬幾是其道勞也

周公以來未有漢公之懿也勤

勞則過於阿衡

漢公王莽也或以此為媚莽之言或以為言遜之為也吾乃以為歲規之深切

者也稱其漢公已前之美爾然則君攝之後不貶而惡
可知也揚子所以玄妙也發至言於當時垂忠教於後
世言蔽天地而無慚教闕百代而不耻何遜媚之有乎
○宗元曰阿衡之事不可過也過則反○咸曰成王幼
太甲昏勢亦殆矣然周公居叔父之尊伊尹當阿衡之
重二公可取而不取卒以忠勤復辟而正之夫舉其可
取不取之因明其不可取而取之事則子雲之罪莽亦
大矣○祕曰自周公以來未有如王莽而謂之美也惟

是折節力行勤勞之事則欲不止於阿衡明其篡也伊
周聖人之居師保者漢公王莽也懿美也過謂不止也
班固曰莽知漢中外殫微本末俱弱亡所忌憚生其姦
心因母后之權假伊周之稱子雲因其假也故以伊周
為言○光曰法言之成蓋當平帝之世莽專漢政自比
伊周欲興禮樂致太平上以惑太后下以欺臣民附已
者進異己者誅何武鮑宣以名高及禍故揚子不得不
遜辭以避害也亦猶薛方云充彘在上下有巢由也當
是之時莽猶未篡人臣之盛者無若伊周故揚子勸以
伊周之美欲其終于北面者也或曰揚子為漢臣漢亡
不能死何也曰國之大臣任社稷之重者社稷亡而死
之義也向使揚子據將相之任處平勃之地莽篡國而
不死良可責也今位不過郎官朝廷之事無所與聞柰
何責之以必死乎夫死者士之所難凡責人者當先恕
已則可以知其難矣或曰揚子不死可也何為仕莽而
不去曰知莽將篡而去者龔勝是也莽聘以為太子師

友卒不食而死揚子名已重於世苟去而隱處如揭日月潛于蒿萊庸得免乎或曰揚子不去則已何必譽莽以求媚豈厭貧賤思富貴乎曰昔晉袁宏作東征賦不序桓彝陶侃猶為桓溫陶胡奴所超僅以敏捷自免况揚子作法言品藻漢興以來將相名臣而獨不及莽莽能無耻且怨乎此杜預所謂吾但恐為害不求益也且揚子自謂不汲汲於富貴不戚戚於貧賤始為郎給事黃門與王莽劉歆並哀帝之初又與董賢同官當成哀平間莽賢皆為三公權傾人主所薦莫不拔擢而雄三世不徙官此豈非言行相副之明驗乎古今之人能安恬如此者幾希而子乃疑其求媚而思富貴不亦過乎使揚子果好富貴則必為莽佐命不在劉甄之下矣

漢興二百一十載而中天其庶矣乎

言人民衆多富盛也○宗元曰揚子

極陰陽之數此言知漢祚之方半耳○咸曰子雲雖學極陰陽然亦不當逆知漢祚方半也夫中天者猶中興


也蓋子雲觀莽之強篡而立復暴殲如是天下思漢德未已知赤氏之運未去必有中興而王者言庶幾乎近也故後十餘年光武果定豈非驗乎○祕曰子雲上稱漢德之允懷中言王莽之不正下言漢載之中天是觀民思漢德莽為不道必有中興之義且明德之不可已也如是孔子曰其或繼周者雖百世可知也以禮明之也子雲曰漢二百一十載而中天以德明之也是知子雲其聖人之徒歟漢高祖元年至孺子嬰二年凡二百一十四年自王莽稱建國元年至獻帝延康元年凡二百一十二年○光曰庶者庶幾於治也 辟離以本之校學以教之禮樂以容之輿服以表之復其并刑

勉人役唐矣夫

言若盡此諸美以濟勉人者無羨唐虞之世也○成曰勉當為勉字之誤也言

後之中興者能修漢之辟離學校禮樂輿服之未修者能復井田之未復者能措刑辟之未措者以是道而化

天下復免人事邊之役則唐堯如矣。○祕曰漢之中天
惟是盛德之符設使行辟廱校學禮樂輿服之事復具
井田象刑勉勵其人役於百執事者則唐堯之治矣夫
孔子刪書始于唐堯而子雲法言以是終之蓋百王之
表則也。○光曰容為之容飾表
表具尊卑役用也用唐堯故事



揚子法言卷十